

周
易
述
翼

周易述翼卷二

賁禹黃應麒學

山陰宋澤元校刊

三三

坤下
乾上

泰。小往大來。吉亨。

人有禮則安。故履繼以泰。泰安也。通也。乾天在下。天氣下降。坤地在上。地氣上騰。是天地交而成泰也。小往大來者。在天地則陰氣往陽氣來。天地之泰也。正月在朝廷則小人往君子來。朝廷之泰也。在人心則私欲往天理來。吾心之泰也。吉小而亨大。吉在目前。亨則亨通於後矣。

彖曰泰小往大來吉亨則是天地交而萬物通也。上下交而其志同也。內陽而外陰。內健而外順。內君子而外小人。君子道長。小人道消也。

天初交地而成震。地初交天而爲巽。雷風相薄。天再交地而成坎。地再交天而爲離。水火不相射。天三交地而成艮。地三交天而爲兌。山澤通氣。自天地三交而雷動。風散。雨潤。日暄。山澤咸通。其氣乾坤爲主。六子奏功。此萬物所以通也。上下者分也。交則以心矣。獻可替否。自不同。如五味相調。五色相宣。五聲相和。而安民定國之志無不同。則交之深也。內陽氣發舒。外陰無非陽氣。

之所貫。內健行無息。外順無非健德之所周。內君子用事。外小人無非君子之所用。道長道消。言小人皆變爲君子。猶天君爲主。百體從令。人心無非道心也。則是二字無限欣幸。在否無限悲涼。一則光天化日。一則淒風苦雨。化工之筆也。

象曰。天地交泰。后以財成天地之道。輔相天地之宜。以左右民。

天地以氣交而成泰。元后法之。而財成輔相之事出焉。左右斯民。使之泰也。財與裁同。裁天之道爲分。至啓閉合氣盈朔虛而成歲功。裁地之道爲井邑邱甸修遂溝。

洫。滄。以。成。地。利。輔。相。者。助。也。詩。曰。誕。后。稷。之。穡。有。相。之。道。是。也。助。天。之。宜。則。東。作。西。成。南。訛。朔。易。著。爲。經。助。地。之。宜。則。土。會。土。宜。土。均。土。化。著。爲。法。左。右。猶。佐。佑。也。有。在。裁。成。輔。相。中。者。水。火。金。木。土。穀。惟。修。也。有。在。輔。相。裁。成。外。者。正。德。利。用。厚。生。惟。和。也。此。聖。人。盡。人。性。盡。物。性。參。贊。化。育。也。

初九拔茅茹以其彙征吉

以九居泰之初得正茅至潔之物不擇地與時而生猶無地無時無君子也得賢以致泰卽以保泰拔而茹出也茹根猶拔一賢而羣賢畢至彙類也征往也以其類往也

詩所謂。靈。靈。王。多。吉。士。維。天。子。使。也。王。陽。在。位。貢。禹。彈。冠。有。同。升。之。吉。也。初。與。四。正。應。

象曰。拔茅。征吉。志在外也。

志在於外。欲登斯民於衽席。措天下於磐石。羣賢之征。非慕富貴而往也。

九二。包荒。用馮河。不遐遺。朋亡。得尚于中行。

包荒。寬大也。父母之心。賢愚之子。並育天地之量。薰蕕之物。並生馮河者。敏決也。興利除害。不緩於時。舉賢。紂惡。不稽其力。不遐遺者。信也。時之遠者。法令不更。地之遠者。恩威必及。朋亡者。公也。爵人刑人。與衆共。無私心。

公是公非與人同無私黨

復言朋來得君子之真朋泰言朋亡退小人之偽朋包荒

用馮河卽仁者愛人知者知人也不遐遺朋亡卽武王不忘遠不泄邇也總四語卽論語寬信敏公也此

君德也於二發之泰交之世君臣一德也尙尊也中行

六五柔中之君也有如是之德尊尙於中行之主泰交

之象也

上下之分不可不明惟履而上下辨其分上下之情不可不通惟泰而上下通其情

象曰包荒得尙于中行以光大也

言包荒則下三者皆賅猶仁統四端也光明與天下相

見廣大與天下相孚得尙於中行之主無私也

坤以光大之智

而含章未得君而事也泰以光大之德而得尙已得君而事也坤泰時不同德則一

九三无平不陂无往不復艱貞无咎勿恤其孚于食有福

三、下卦之終。上上卦之終。皆戒以持盈保泰。地勢无平而不陂。天行無往而不復。陰陽來往。泰否循環。自然之運也。泰與否互卦皆有剝復夬姤消息盈虛已在其中。漸固進而有功。歸妹亦萬物不與。不必至否而後知。艱貞以下。所以保泰也。艱者。事雖易。以艱難之心慮之。恐姦慝潛滋也。貞者。事雖順。以貞固之心守之。恐邪僻暗長也。卽書克艱之旨。唐虞咨儆。所以保泰也。周書永思艱。亦然。无咎者。无致否之咎也。勿恤其孚。猶豐之勿憂。宜日中。責難之辭也。傳義作安慰之辭。恐非經意。明自泰而否。徒憂無益。其以已之誠信孚於君臣上下。可以長食康泰之福矣。九三剛正。故其辭如此。

象曰。无往不復。天地際也。

天地交際。陰陽往來之常。宜以人事回天意。玩也字可見。

六四。翩翩不富。以其鄰。不戒以孚。

六居四得正。處大臣之位。翩翩者鳥之飛。兩翼相資。猶

君臣上下交相需。詩曰。翩翩者騅。烝然來思。是也。下選

患。明夷則垂其翼。下受上之害。小過則飛以凶。惟此上

得五以行其道。下應初以成其功。下三陽連類而至。如

鳥之翩。翩翩不富者。不以勢位自富也。於五則樂道而忘人

之勢。於初則樂道而忘已之勢。以其鄰者。謂能拔下之

賢。為君之臣鄰也。小畜九五富以其其鄰。君能以爵位

與賢者共出於有孚也。此不富以其

鄰。不恃爵位與賢者交。無非出。不戒以孚者。不待戒令。

於孚也。辭異意異。而理則一。

足以相孚也。先儒謂翩翩斥五上二陰爲小人。翩翩而

人。則其說非也。且非聖人得人保泰之本意。

象曰。翩翩不富。皆失實也。不戒以孚。中心願也。

皆失實者。言上下皆不以爵位自滿。而以保泰爲心也。中心願者。言上下交孚。出於中心之誠。不待勉強也。

六五。帝乙歸妹。以祉元吉。

帝乙紂父也。說本虞仲翔。荀爽曰。成湯也。按爻辭引用

則虞氏歸妹。以天子女下嫁諸侯也。帝乙制爲此禮。淑

慎柔嘉。猶詩所謂曷不肅雍王姬之車也。六五柔中之

主。下交賢臣。故有此象。遂獲福祉。元善而吉也。五比四應二。

象曰。以祉元吉。中以行願也。

中以行願者。中卽九二。所謂中行也。以中德行。其心之所願。猶四所謂中心願也。如是則上下交而志同。可以保泰矣。

上六。城復于隍。勿用師。自邑告命。貞吝。

自否而之泰。則難如掘隍爲城。非積累功深。不能也。自泰而否。則易如城復於隍。苟因循怠玩。則立敗也。身心家國皆然。詩曰。高岸爲谷。深谷爲陵。哀今之人。胡憚莫懲。是也。於斯時也。智無所用。其謀勇無所用。其力勿用。師也。自邑告命者。反求諸心。痛懲前愆。如告誡命令。猶

可救患。若欲以兵力經營之事。雖正亦窒塞不行而吝。
况不正乎。先儒以自邑告命爲祇可告諭近邑。似泥此。特言其象自邑心象也。此與夬告自邑不利。即戎同意。亦懸其象也。

象曰。城復于隍。其命亂也。

命亂。謂政令乖亂也。自泰而否。三曰天地際。猶天數之自然。此曰其命亂。實人事之自失。不必祖父創而子孫敗之也。梁武寒賤。有天下。誤信侯景。自取喪亡。雖曰天命。豈非人事哉。

彖以。小往大來。爲泰。幸。爻以。小往大來。爲泰。憂。幸者。幸其天地交。而萬物通時之泰也。上下交而志同。世之泰。

也。此元后裁成輔相。天地之交泰也。憂者憂其平陂。往復城復於隍。泰轉爲否也。制治未亂。保邦未危。其在君心乎。五以中行之主。下孚於臣矣。四以虛已忘勢。招羣賢以策進矣。三以知艱進矣。二以包荒之德。尙矣。初且拔茅茹。征矣。詩曰。無競維人。又曰。人之云亡。邦國殄瘁。此否泰之機也。思艱所以圖易。惟憂可以勿憂。至泰轉爲否。而曰。此天地之交際。非吾命之亂也。可乎哉。

三三 乾坤上

否之匪人不利君子貞大往小來

通極則塞。治極則亂。泰極則否。故繼之以否。否泰反其類也。乾天上。坤地下。天地之氣不交。故爲否。七月之卦。按天地不

通。閉塞成冬十月也。今於七月決。猶堅冰決於履霜。否之匪人名義相連。言否者

雖天運循環。然所以致否。皆由此匪人也。匪人甚於小人。謂其非人。

類也。君子無論時之否泰。惟正而已。小人必不利之。如漢

十常侍之興。鉤黨獄。宋蔡京童貫。元祐姦黨碑。明周延

儒溫體仁之害東林。且欲置之死也。大往小來者。天地

則陽往而陰來。朝廷則君子往小人來。人心則人欲熾

而天理滅也。

彖曰：否之匪人，不利君子貞。大往小來，則是天地不交而萬物不通也。上下不交，而天下无邦也。內陰而外陽，內柔而外剛，內小人而外君子，小人道長，君子道消也。

天氣不下降，地氣不上騰，是不交也。故萬物收其生機，息其長養，是不通也。上暴虐无極，下憑陵不服，上誅求無藝，下職貢不修，雖有邦如无邦也。內陰而外陽，肅殺之氣，內盛陽和之氣，外衰也。內柔而外剛，變健順而言德也。內外咸宜，剛陰柔之私，內伏剛戾之氣，外張色厲，柔是質有美有惡。內荏則穿窬之盜，外強中乾則國家之蠹也。內小人而

外君子。則奸黨盈廷。忠良擯棄。迨小人道長。君子道消。則中材以下。不能保其所守。而君子反見害於小人也。象曰。天地不交否。君子以儉德辟難。不可榮以祿。

儉。節制也。本義儉作鍊。破字恐非。君子處否。節其言。不激厲。以招

尤。制其行。不亢直。以取禍。不以祿為榮。而以道自守也。

遯則遠。小人不惡而嚴。坤則天地閉。賢人隱。此則介於遯坤之間也。

初六。拔茅茹。以其彙。貞吉亨。

此發明濟否之義。不係於初陰也。與泰初同辭。泰則決

其征。此則戒以貞。異矣。先儒有以拔茅茹。謂小人牽連而進者。得正而吉亨。但易不為

小人謀也。有謂君子牽連而退者。謂潔身有待。但玩爻辭無退字意。恐非也。君子欲行道以

濟否。如孔子偕諸賢歷聘諸邦。是拔茅茹。以其彙也。於季桓子行可之仕。衛靈公際可之仕。所謂貞也。吉近而亨。遠得行道三月。而魯國大治。則吉矣。期年而四方則之。則亨矣。

象曰。拔茅貞吉。志在君也。

志在君者。處江湖之遠。則憂其君也。觀此則知沮溺丈人之潔身亂倫。聖人則行義救世。君臣大義不沒於否之日也。

六二。包承。小人吉。大人否亨。

二與三皆發明上下不交之故。二柔順中正。猶有取焉。

包之道有公有私。此雖私未嘗不公也。當否之世。小人猶知愛君子。出其私愛以承順君子。如張永之於王文成。是也在婦寺則吉矣。而大人正以身否而道得亨。蓋身有否時。道无否時也。

象曰。大人否亨。不亂羣也。

不亂羣者。世雖亂。君子終不亂於小人之羣。渙其羣者。散其私。不亂羣者。守以正也。如孔子之不主彌子瑕是也。在小人。方以媚與媚。寵示其意。在君子。終不以枉尺直。統失其節也。

六三。包羞。

不中不正。否之匪人也。大者包藏禍心。窺竊神器。小者

有醜面目藏垢納汙如婦人私庇其子之惡覆家蕩宗而不恤者若謂尸位素餐特庸臣耳未可言包羞

象曰包羞位不當也

以六居三固不當位

當去聲

然君子在位必思濟否若包

羞居其位不當如此也

當平聲

九四有命无咎疇離祉

有命者氣數之命可轉移

互卦始於初終於九其義理中漸姤復歸妹行焉

之命可自主也先儒謂天下皆可言命君相不可言命

命自我立義理定而氣數無權也周公訓成王曰子不

敢及天基命定命泰否之運天也道之行廢命也然惟

克天德者自作元命則基命於始定命於終知其有命而修其在已周公不敢及正欲其及而無不能立命之咎矣疇類也離麗也若能立命不獨一人受其福天下胥受其福也四居大臣之位

象曰有命无咎志行也

初與四應初曰志在君行不行未可知也至是命自我立人事至天命從之故曰志行也

九五休否大人吉其亡其亡繫于苞桑

九五剛中正休息也詩曰民亦勞止汔可小休是也勞來安集鴻鴈之哀究安宅側身修行雲漢之旱不爲災

休否者。其惟剛中正之大人乎。吉則否轉爲泰矣。其亡其亡者。狀其心也。語云。病加於小愈。官怠於宦成。由否入泰之初。安不忘危。存不忘亡。治不忘亂。如管仲云。君恥。臣不忘檻車之辱。馮異云。君不忘。嗔。沲之斥。臣不忘巾車之恩。然危者保其安。亡者保其存。亂者保其治。繫於苞桑。國本固也。苞者桑之本。如詩。苞栩。苞棘之類。安而且固。洪稚存謂。易包。俱作色。不宜此。獨作苞。愚謂。包者胞也。如父母之生子。從胞而出。故包有公。有私。包荒。包羞是也。此取象安固。則苞當从草。而无公私之殊。未可以一例看。

象曰。大人之吉。位正當也。

休否之任。倚於大人。其吉也。其亡其亡之心之所致。位

正當如此也。

當字平聲。叶下長宅。

上九。傾否。先否後喜。

傾者當否之極。傾覆之甚。不可任其否也。

先儒訓傾字作傾出之義。

愚謂經言傾字皆傾危之謂。危者使平易者。惟憂其傾。使傾。論語安無傾。傾字非吉。猶九五亡字義。

故能濟否。則先雖否而後有喜。猶始於憂勤。終於佚樂也。不存傾否之心。則否不可挽矣。

象曰。否終則傾。何可長也。

否之終也。如傾覆何。何可長。任其傾也。若作否終則傾而出之。則否極而泰自來。乃天運之常。非關人事以濟否也。恐非聖人盡人道。不諉於天本意。此卦象以否為慮。爻以濟否為心。慮者慮小人不。利君子。君子以儉德。

辟難也。內小人而外君子。小人道長。君子道消也。然天
運雖否。陰盛於內。陽散於外。而秋冬之歛藏愈深。春夏
之生長愈盛。則自否而泰。可計日俟之。惟人事之否。一
小人致之。而有餘衆君子救之。猶恐不足。則否之匪人。
卽六三之包羞者也。濟否之道。始於君子出處之正。終
於君臣宵旰之勞。初之志在君。古之人未嘗不欲仕。殷
般。然以濟否爲心。二之不亂羣。又惡不由其道。競競然
以守道爲重。其在大臣之位。則以人事回天命。而天下
受其福。其在天子之位。則以民瘼厪君憂。而國本藉以
固。憂其亡以保其存。憂其傾而得其喜。致否者小人。濟

否者衆君子也

三三 離下

同人于野亨利涉大川利君子貞

上下不交則否。上下相親則同。同人所以濟否也。故繼之以同人。乾天在上。離火在下。火性炎上。與風在中助之上。與天同。六二一陰在中得正。與五陽同。故曰同人。
陰在五。居君位為大有。所有者五陽也。同人於野。亨名。陰在二。居臣位為同人。所同者五陽也。郊外謂之野。示大公元義相連。於野廣遠之象。國外謂之郊。郊外謂之野。外也。宮中府中為一體。无嫌近之私。天下中國猶一家。無遐遠之隔。亨則四達不悖也。利涉大川者同心可以濟。大難同力可以濟。大川周公曰若游。大川予往暨汝。

夷其濟是也。明足以知險。健足以有終。故利。利君子貞者。與否相反。蓋人皆樂君子之正也。正者公而无私。同以理不同。以欲同。以義不同。以情同人。正以不盡同。爲同。猶比以不盡比爲比也。程傳千里之遠。千歲之久。若合符節。此心此理之同也。

彖曰同人柔得位得中而應乎乾曰同人。

二得位得中。應五陽。故曰應乎乾。非專應五也。與小畜同言乾者。誠一之德也。若專應五。故有于宗之戒。不言大有柔居得位。則時有可乘。得中則事皆可法。應乾則君位也。故曰同人也。

同人曰。同人于野。亨。利涉大川。乾行也。文明以健。中正以應。君子正也。惟君子爲能通天下之志。

同人曰者。別同人之爲卦名。

履否艮皆名義相連。於此發之以本卦二字相成。易

能乾行者健也。心雖甚公。事雖將濟。非健行不息。則公。

反爲私。成轉爲敗矣。文明以健者。自明而誠也。

內卦離明。外卦

健乾明於中。天下之理无所惑。誠於外。天下之事无所欺。

居中得正。靜以應。天下之動。簡以應。天下之煩。君子之

正得人心之大同。故能以其心同天下之大順。不曰情

而曰志。情有公私。志有公无私也。通天下之志。則人皆

同於君子。非君子汲汲同於人也。

象曰。天與火同人。君子以類族辨物。

天與火異。自其炎上則同。

天與水違水性潤下。天與火同。火性炎上。

君子法

之於同中辨其異。卽於異中得其同。方以類聚而類有善惡於族之同者。知其異物以羣分而物有是非。卽辨之異者歸於同。蓋廣谷大川異俗。遲速剛柔異性。其不同者也。修其教。五典克惇。齊其政。五禮克庸。其同者也。

初九。同人于門。无咎。

九居同人之初得正。故於其始慎之於門。是與人共見。非入室人不可見。則无私阿之咎。

象曰。出門同人。又誰咎也。

加一出字明非門以內別嫌疑也又誰得而指摘之古人瓜田不納履李下不整冠殆為此也隨出門交并出門同其義也

六二同人于宗吝

此爻正柔得位得中而應乎乾者何以有於宗致吝之戒應乎乾則五陽俱應大公為同也若惟應五是徒以五為主不恤輿情於事理不通矣互卦有家人故有於宗之象如後世志欲尊君力排眾論卒之事有不可行者即如作事專主一人之見說經偏宗一人之解不復參以旁說皆窒而難通也

象曰同人于宗吝道也

心。今本虛。應物无迹。有所專主。取吝之道也。

九三。伏戎于莽。升其高陵。三歲不興。

以剛居剛。人皆同而已。獨異。伏戎於莽者。藏機械於至。隱將以攻。發人之陰私。升其高陵者。託行踪於至高。將以顯暴人之過失。卒也。人之同也。至公無瑕。可摘己之心也。徒險無覺。可乘。言三歲不興者。終不能興立異之

覺也。

顯比之世有後夫大同之治有伏戎无傷也

象曰。伏戎于莽。敵剛也。三歲不興。安行也。

敵剛。謂大同之勢已成。是至剛也。已欲敵之。外託剛方。陰懷險惡。是剛不與己爲敵而已。欲敵之。先儒剛斥安五似泥。

行者匪獨一步不能行。卽兇險之計不能施也。无妄匪止何之

詭異敵剛安行 互卦有睽 俱反計之辭

九四乘其墉弗克攻吉

剛居柔不中不正。乘其墉者。馮藉其勢。厚而且近。將立異以攻人之同。弗克攻者。自克其私。困而生悔。亦從同而消己之異。獲改過遷善之吉。所居者柔。尚不過剛。故得此。

象曰乘其墉義弗克也其吉則困而反則也

義者不必見之於事。揆於義已知弗克攻也。蓋邪不勝正者義也。知困而能自反。則能揆於義矣。失則而不自反明夷之入

於地反則由於知困
同人之乘其壟也

九五同人先號咷而後笑大師克相遇

九五剛中正下應六二君求賢以爲同心同德也然在
二則有於宗之戒上交不可諂也在五則致先號之誠
下交不可瀆也其未得二以爲同則有或號或泣之憂

既得二以爲同則有載笑載言之樂先儒謂先號爲所
三四所隔恐泥

謂二人同心其利斷金同心之言其臭如蘭也按繫辭
雖就二

人言其實大同之治未有不先憂後樂者則謂君子通
天下之志皆先號後笑可也又按同人先號咷而後笑
旅人先笑後號咷固曲盡同人旅人情狀然易理於先
後初終再三致意如先迷後得先否後喜无初有終見
於睽與翼初吉終亂詩所謂未得淑女憂則寤寐反側
深切著明詳見總論

也。既得淑女樂則琴瑟鐘鼓也。大師者衆也。詩曰。大師維垣是也。其得二以爲同也。非一己之私心合天下之衆心也。以大衆之心克一己之私。則君臣相遇無非天下之公心也。先儒以大師爲大興師恐未然

象曰。同人之先以中直也。大師相遇言相克也。

人之生也直。誠一無僞也。中直則非貌爲矣。於同人之先見之。則先號者誠也。困乃徐有說以中直也。直不失於既困之後。此同人之先以中直也。直不失於同人之初。君臣以大衆之心而相遇。言相克者。皆能克其私心也。

上九。同人于郊。无悔。

郊雖未至於野而近於野上九居卦之上其象如此蓋心以爲未至於大同已无嚮近之悔矣

象曰同人于郊志未得也

君子能通天下之志何以云志未得此同人所以爲大同也天地非有憾不足以爲天地堯舜非猶病不足以爲堯舜同人非志未得不足以爲同人苟其志云已得則滿招損矣若曰吾之同人僅於郊未至於野志何時得乎謙上六鳴謙志未得也孔子未能一焉之心也同人於郊志未得也文王視民如傷之心也

同人者相資而有成也如唐虞之四鄰成湯之一德周

之同心同德。孔子之七十二賢是也。推其極。通天下之志。邇治之同也。先後聖之揆。心理之同也。同人必於野。大公无我也。曰文明曰健。同之德也。曰中曰正曰直曰義。同之道也。曰類。族辨物。卽不同。無非同也。故可以宏濟艱難。成大同之治也。然人之情。其始之同也多。公故初有於門之象。其繼之同也多。臆故二有於宗之戒。然有同未必无異也。故三有伏戎之敵。然異未必不同也。故四有弗克之攻。若五之先號後笑。則始憂不同而後卒於同。無他以大衆之心爲心。卽於野。大公之心也。至上僅於郊而未至於野。此聖人之志。雖至於大同。此心

歆然。長抱此未得之志也。

三三 離上乾下

大有元亨

與人同者物必歸。土地財用之大有。善與人同。善必歸。翼爲明。聽之大有也。故同人繼以大有。乾天在下。離火在上。明無不照。又以一陰居尊位。上下五陽俱爲所有。是爲大有。元善也。亨通也。誠以體元善之仁。而天下咸歸其仁。明以觀會通之禮。而天下共由其禮。本天德而時出此大有之元亨也。備四德者乾而坤屯隨臨无妄革皆備而不純若蠱鼎升皆言元亨已雜他辭矣惟大有元亨大壯利貞兌亨利貞皆純而不備鼎元吉亨先儒謂吉字衍與大有同愚按孔子彖傳雖不着吉字而吉字已在內彖傳多有此况鼎主養賢吉近而亨遠大有主尚賢不待於養故言亨義

已足鼎養賢而後用於異日故曰吉。

彖曰大有柔得尊位大中而上下應之曰大有。

以六五釋卦名也。柔得尊位。溫恭之主也。大中用中於民也。上下應之。百工惟時。撫於五辰。天應之。庶績咸熙。四方風動。人應之也。故曰大有也。柔得尊位。不同於小中。不同於同人之得中。上下應之。不同於履同人之應乎乾。小畜上下應。君臣交應也。大有上下應。天人交應也。

其德剛健而文明。應乎天而時行。是以元亨。

彖傳於卦德。惟大有大畜言其德。美其德也。

大畜言日新。學而後

有其德也。大有言其德。剛健而文明。誠而明也。乾德存生而有其德也。義稍別。

於內勝萬物之重百年如一日離德明於外析萬物之情千里在目前應乎天溥博如天也而時行而時出之也天之時陰陽默運聖之時仁禮兼施是以元善而亨通也

象曰火在天上大有君子以遏惡揚善順天休命

火者太陽之精在天上則容光必照君子法之不必察察爲明而不怒而威不賞而勸卽五刑五用實天討有罪也五服五章實天命有德也順天休命自然而然而非自作威福也鼎正位凝命對越在天也大

初九无交害匪咎艱則无咎

九居初得正。无交害者。物交則害。聲色喪耳目之官。勢利啄性。天之正。所謂物交。則引蔽交。則遷也。惟无交於害。則制之於外。以安其內。秉彛不失廉恥。中存匪自作之咎矣。然必矢以知艱之心。知富貴易淫。持之以禮嗜欲易縱。守之以義。然後无侈肆之咎。初與上俱統全卦言於大有之初。謹之。

象曰。大有初九。无交害也。

象傳於初上俱繫以大有。明不主一爻言於初九。言无交害。則隨其所歷之位皆然也。

九二。大車以載。有攸往。无咎。

器小則易盈。中止則難繼。以九居二。不剛不柔。大車以載。足以任重。有攸往。足以致遠。无不能稱職之咎。與五正應。此封疆之臣。干城之守也。

象曰。大車以載。積中不敗也。

積中者。剛氣不怒。柔氣不懾。中德充。積遺大。投艱不敗。乃公事。詩曰。不剛不柔。敷政優優。是也。

九三。公用享于天子。小人弗克。

享者誠敬之謂也。

書曰。享多儀。儀不及物。惟曰以九居二。不享。儀禮也。禮之實在誠敬。

三得正。公位也。故能極其誠敬。以享獻於天子。凡天下之利病。生民之休戚。皆達於上。無敢偽慢焉。若小人非

欺罔則怠惰。是弗克享矣。隨享於岐山。升享於西山。曰王用言王。用此臣以享於神。

也。此曰公用。謂己用此心以享於君也。用不同而享之誠敬則一。

象曰。公用享于天子。小人害也。

特加害字。明小人之害於而家。凶於而國。皆此弗克享

也。所謂凡民惟曰不享。惟事其爽侮也。與初害字相應。

九四。匪其彭。无咎。

四比五。居大有之時。上近於君。世處其盛。地處其逼。所

謂戴震主之威。挾不賞之功。不自謙抑。咎之集也。惟九

居四剛而不過。故能匪其彭焉。彭盛滿也。詩曰。出車彭彭。

匪非也。言寵利不居。碩膚是孫。故无作福作威之咎。意

本程傳。愚謂彭者虛廓之貌。如腹之有其貌而才之實不足。以濟之。所謂腹負將軍也。匪其彭。則不張於外而實於內。是所有者大。而不自有者。二義相需也。

象曰。匪其彭。无咎。明辨晬也。

明尊卑。上下之分。辨盛衰。消長之機。析嘖笑起居之微。是能不自有。以成其大有者。詩曰。既明且哲。以保其身。是也。

六五。厥孚交如。威如吉。

以私感物。物應以私。以偽感物。物應以偽。惟孚則中無私。偽而物亦以無私。偽交之所謂柔得尊位大中而上。

下應之。書曰：作周孚。先是也。威如者，為柔中之主戒。謂

樂之和以禮節之。書曰：作周恭。先是也。家人上九有孚，威如終吉。家國

天下無

二道。

象曰：厥孚交如，信以發志也。威如之吉，易而無備也。

信者，天地之實德。故春信至，萬物發生；水信至，衆流畢

達。信以發志，人皆相見以天也。豐二有孚發恭，信以發

交如，信以發志。君發臣之志也。易而無備者，恐樂易而不知，儆戒無虞

逸豫而不知所其無逸，衆勝則流，勢所必至。

上九：自天祐之，吉无不利。

天者，至公而無私。初無健行而不息，攸往美利而不言。

四匪其彭。誠其體。而信其用。秋之肅。而春之溫。三用享五字交

而。言有如是之德。所謂自也。天必祐助之。能順天。天亦順之也。統全卦言。而所重在五。信以發臣下之志。所謂尚賢也。故吉无不利。

象曰大有上吉自天祐也

此與初俱繫卦名。固統全卦言。然在初則无交害也。在上則自天祐也。盡人事斯上當天心。天與人雖遠而實邇也。

大有者。合天下之有以爲有。故曰大有。天道也。君道也。故大有得乾之元亨。剛健文明德之應天也。遏惡揚善。

政之順天也。於六五柔得尊位大中而上下應之。括之。然六爻皆有大有之義。初不介於私而不喪其所有。二德積於中而行其所有。三誠通於上而伸其所有。四則不矜其所有。上則天人交應以成大有之世焉。兩言害明非天害之人自害也。三言无咎明白盡人道而不妄邀天祐也。而終之以天祐。天與人其響應乎。

䷎ 艮下
坤上

謙亨。君子有終。

有大易盈持盈以謙。故繼以謙。謙者有而不居之謂。

善有

不伐有艮山在下。坤地在上。謙之象也。艮止於內。坤順

於外。謙之德也。乾交坤成艮。陽止於下。謙之主也。謙則

必亨。慮以下人。家邦必達也。君子有終者。言非君子。謙

或勉於一時。而不能持久。蓋蹇解相因。剝復相乘。惟君

子恭順之至。中和之積。禮至則無怨。樂至則不爭。時隨

險夷。能有終也。

彖曰。謙亨。天道下濟而光明。地道卑而上行。

天在上也。下交坤而成艮。復在下卦。天道之謙也。艮德
光明。地道卑者。地道之謙也。而在上卦。地氣上行。此天
地之亨也。天道卽君道。地道卽臣道。君下謀於臣。而君
道光。臣上獻於君。而臣道行。亦亨矣。

天道虧盈而益謙。地道變盈而流謙。鬼神害盈而福謙。人
道惡盈而好謙。謙尊而光。卑而不可踰。君子之終也。

虧損也。流注也。天道以氣言。寒暑盛衰。日月盈昃。虧盈
益謙也。地道以勢言。陵谷變遷。滄桑互易。變盈流謙也。
鬼神以理言。害盈福謙。卽福善禍淫也。人道以情言。惡
盈好謙。卽滿招損。謙受益也。此與豐俱并。天地鬼神人

言之義相表裏。觀雷觀火。易滅易絕。豐不可恃。觀地觀山。久莫久安。謙可長守也。謙尊而光。卑而不可踰。程傳謙與卑對。本義尊與卑對。按此卽天道下濟。地道上行之義。尊者謙而自光顯矣。卑者謙而終不可踰矣。君子位隨尊卑。持之以謙。所以有終也。本義是。

象曰。地中有山。謙。君子以裒多益寡。稱物平施。

不曰山在地中。曰地中有山。見地不見山。山雖在忘其爲山也。故曰謙。君子法之。非故示謙也。裒損已之多。以益物之寡。稱物平施之。使長短廣狹彼此如一。大學所謂恕。所謂絜矩。將措天下而歸於謙。非守黑守雌之謂。

哀多益寡。山即為地。稱物平施。地不覺山。

初六。謙謙君子。用涉大川吉。

以六居謙卦之下。則謙而又謙者。君子用此道以涉大

川。何有不濟。初二三四互蹇。二三四坎體。故有涉川之象。自卑尊人。則人心

得矣。同心竭力。則艱難濟矣。苟自矜自高。尚何涉川之

足云。

象曰。謙謙君子。卑以自牧也。

牧養也。卑以養其德。而不競。養其氣。而不爭。事來順應。

由其養之有素也。

六二。鳴謙貞吉。

柔順中正。居下體之中。由心而發於口。自然之謙。不事勉強。得正則非巧令足恭。故吉。先儒謂九三為卦主。二謙而倡。二上鳴謙而和。故皆曰鳴謙。非也。夫因人之謙而後鳴其謙。何心得之足云。

象曰：鳴謙貞吉，中心得也。

中心得者。言非聲音笑貌爲之。鳴謙則吉。鳴豫則凶。即受益招損也。

九三：勞謙君子有終吉。

一陽居三。成卦之主。雖居下卦之上。仍在上卦之下。是

有勞而能謙者。二三四五五坎爲勞卦。君子有終。與彖辭同。有有

終之謙。即有有終之吉矣。

象曰：勞謙君子，萬民服也。

服者萬民且化於謙也。大禹不矜天下，莫與爭能，不伐天下，莫與爭功。近之大有匪彭，不以盛滿自居，謙之勞謙尤以有功自下，義更有進，故匪

六四无不利撝謙

事无大小，地无遠近，时无久暫，无不利，發撝其謙。一有不謙，功名敗於末路，道德喪於須臾。四近君故辭如此。
本義分二語讀。程傳作一語讀。程傳是。

象曰无不利撝謙不違則也

則者人臣之則也。位高易肆，功高易矜。心恆撝謙，不敢稍違。詩曰：柔嘉維則，令儀令色。小心翼翼，古訓是式。威

儀。是。力。是。也。

六五不富以其鄰。利用侵伐。无不利。

柔中之主。不富者。不自滿假。陽實陰虛。故陽富而陰不富。故能以其

臣爲鄰。以成治功。書曰。欽四鄰。是也。泰六四不富以其鄰。言大臣能以賢

爲鄰。以事君。謙六五不富以其鄰。言人利用侵伐。无不

利者。實德待人。人皆同德。虛心待士。士盡同心。寬仁彰

信於兆民。聲教暨訖於四海。時雨之師。雲霓之望。而措

正施行。无不利也。

象曰。利用侵伐。征不服也。

勞謙之世。萬民服矣。有不服。則征之。征之爲言正也。帝

王之世。不諱言兵。

上六。鳴謙。利用行師。征邑國。

居謙之極。處卦之上。恩足以及人。懼恩之未至。德足以及人。懼德之未孚。而鳴其謙也。利用行師。征邑國。爲柔順之極者。策之尙柔者。不足於剛。尙文者。不足於武。使反求於近。先正乎內。以振其威。此宣王使吉甫伐玁狁。而師次太原。文帝使亞夫伐匈奴。而師軍細柳也。

象曰。上六。鳴謙。志未得也。可用行師。征邑國也。

志未得者。謙而益謙。而猶以爲未得。此成湯檢身不及。文王望道未見之心也。二鳴謙。中心得。存於中。而實發於外。上鳴謙。志未得。發於外。猶

自歎於中。二義相因。非以二居卦中。上居卦上也。與同人志未得同。特加可字。策辭也。義在言外領取。

謙德之本也。天地鬼神人皆佑之。六爻上三爻言吉。下三爻言利。聖人誘世之心。深切著明。爲斯世相矜相競。指示迷途也。故自乾坤以來。屯作君。蒙作師。需養之。訟平之。師正之。比撫之。畜育之。履教之。泰否循環。濟以同人。以成大有。非謙無以保之也。乾无首。坤无終。天地之謙也。君師之責。富教之道。小而訟獄。大而甲兵。曰畜曰履。保泰濟否。同人大有。謙足以貫之。吉无不利。六十四卦皆斯意也。故初之謙足以涉大川。上之謙足以征邑。

國三之勞謙。凡有功而不德也。四之撝謙。凡有事无不謙也。二鳴謙。上亦鳴謙。謙實於中。猶懼未慊於中也。至五不言謙。而曰不富則謙。而泯其迹也。夫尊而光。卑不踰。非故示謙也。第稱物平施而已。故天道下濟。地道上行。亦惟其平也。謙之德其大矣哉。

三三三 坤下 震上
豫利建侯行師。

心平氣和者。心廣體胖。故謙繼以豫。豫安順也。震動於外。坤順於內。豫之德也。雷動而地順之。豫之象也。震一陽居四。上下五陰應之。豫之道也。一陽五陰之卦。在初也在二五為師比。君臣定位也。在三為謙。居下卦上也。在四為豫。居上卦下也。陽為卦主。羣陰應之。斯世所由豫也。又按一陰五陽。陰在四為小畜。陰畜陽也。一陽五陰。陽在四為豫。陰順陽也。建侯行師。必上順天命。下順人心。以豫順之德。故利建侯。人樂戴其德。行師。人樂除其害也。此卦剝復相因。蹇解互見。重坤主之。故有斯義。
屯利建侯。震象也。師利行師。坤象也。豫兼之。革彖傳曰。湯武革命。順乎天。應乎人。

義正
相足。

彖曰。豫剛應而志行。順以動豫。

剛斥九四。上應於君。豫安天下之志得行。順理以動。則非操權術以要結。此卦所以名豫也。

豫順以動。故天地如之。而況建侯行師乎。

極天地以贊豫順之義。下文詳言之。

天地以順動。故日月不過。而四時不忒。聖人以順動。則刑罰清而民服。豫之時義大矣哉。

天氣下降。地氣上騰。天運左旋。地運右轉。惟其順以動。故日一歲一周天。而五道行。月一月一周天。而九行行。

皆不過其度。洪範曰：日月之行，則有冬有夏；冬夏之間，則有春有秋。而四時不忒也。禮樂刑政，聖人所以治天下，以順動。則刑罰前而，服祀禮樂與政乎？蓋天地人中和而已。以順動，則中不發之中，發為中節之和。此天地萬物所以位育也。時義之大，所包者廣；所存者深也。按豫隨遯如旅，立卦皆曰時義。豫不遇隨，隨不苟隨，遯不忘君，姤不失友，旅不主正，有義存焉。坎睽蹇皆曰時用。坎險睽隔蹇難，不可無大用以濟之也。頤大過解革皆曰時頤主養失時不，主養大過主過非其時過不可過解當隨時而解，革常及時而革，言時而義用在。

考。象曰：雷出地奮豫。先王以作樂崇德，殷薦之上帝，以配祖。

雷聲出而地氣奮。天地之和也。先王法之以作樂。故大樂與天地同和。崇德者如韶之爲繼。夏之爲大。濩之爲布。象以文治。武以武功。以事神人。若六變而天神降。八變而地祇出。九變而人鬼享。南郊配祖。明堂配考。禮之盛也。故曰殷薦。按上天下澤履。先王法之以制禮。曰辨之以作樂。曰薦。曰配則樂中有禮。

初六鳴豫凶

鳴謙則吉。鳴豫則凶。明滿招損謙受益之戒也。以柔處初。樂極則淫。志侈則肆。外恃正應。或少年得志。不識盈虛消息。或憑藉祖父。不知稼穡艱難。爲身家國之凶也。

象曰初六鳴豫志窮凶也。

鳴豫係以初六者。猶言少不更事也。志窮凶者。由其志窮奢極欲。以致凶也。

六二介于石不終日貞吉。

六二柔順中正。介者有分辨之謂。其分辨也如石。則知之明而守之固也。守既固則安能研慮靜可知。幾而不流於逸豫。不俟終日判之貞吉。貞而後吉。非正猶未也。

象曰不終日貞吉以中正也。

爲其有中正之德。故能辨義理於幾微。俾權衡之各當。蓋豫之爲義。夏諺以游豫爲度。而大康卽以逸豫減德。

非中正者孰能知。詩曰。今我不樂。日月其除。言當豫也。又曰。無已太康。職思其居。言不過乎豫也。其庶幾乎。

六三。盱豫悔。遲有悔。

王輔嗣曰。盱睢盱。蓋小人喜悅而不已也。

程傳盱訓張目望六書故

非凡仰而企望者皆猶豫不進訓張目與遲覆六三不中不正。睢盱而豫。過於豫也。故有悔。反而爲遲。則不豫也。亦有悔。蓋豫者人所宜有。第不可過耳。三與二正相反。故兩失之。

象曰。盱豫有悔。位不當也。

單訓盱豫者。固兼遲有悔。亦甚睢盱而豫之不可也。明其位不當者。不中不正也。

九四。由豫大有得。勿疑朋盍簪。

頤上曰由頤。天下由之以養。此曰由豫。天下由之而豫。此爻成卦之主。所謂剛應而志行者也。大有得者。天下由之而豫。如大有之得賢也。勿疑者。任賢勿貳也。朋盍簪者。任賢而天下豫。朋必疾來而合聚也。天下之士皆說而願立於其朝也。

象曰。由豫大有得。志大行也。

從古未有不得賢而可大行其志者。此堯以不得舜爲已憂。舜以不得禹臯陶爲已憂也。惟其如大有之得賢。志所以大行於天下。序卦有大而能謙必豫。知致豫之

由也。

六五貞疾恆不死。

貞正也。六居柔中之主。當豫之時。易溺於宴安者。得剛直之臣。知宴安鳩毒之爲正疾。則必恐懼修省而不溺於宴安。然必持之以恆久而後不死也。先儒謂卽生於憂患。死於安樂之意。愚謂惟其恆常以貞疾爲戒。則不獨當憂患以憂患處之。卽安樂無非憂患也。如有疾固憂其疾。無疾亦憂其疾。所以不死也。

象曰六五貞疾乘剛也恆不死中未亡也。

文有乘剛而不善者。困三是也。有乘剛而善者。此是也。

所乘者剛。先儒謂有法家拂士。所以不亡。蓋主柔也。而賢臣以剛濟之。自知晏安之爲正疾者。以其乘剛也。中卽中德。劉子所謂民受天地之中以生是也。以中德之未亡。故能謹疾而不死於晏安也。

上六冥豫成有渝无咎

冥不明也。上六陰柔居豫之極。是昏迷不明而豫者。是冥豫之旣成。一若難反者。然能渝而變之。則无溺於逸樂之咎。蓋義莫大於改過。福莫美於自新。猶冥升而勸勉。其不息之貞也。先儒謂昏沉於豫者。猶能反。若初之鳴豫。則心移權勢而不可反者。初非上比也。愚謂凡易

於初終統全體言。言如初之鳴豫則凶。豈上之冥豫不
凶耶。特有渝然後无咎。有渝者不僅以上爲言。卽初之
鳴豫三之盱豫。无不可渝。而變其舊也。

象曰。冥豫在上。何可長也。

象傳於初係曰初六。此係以在上。明統全體言。冥豫在
上。何可長如此而不變乎。明在下者無不然也。

先儒謂九四一爻全體由之而豫。所謂剛應志行順以
動。豫者也。又謂初應之而凶。三比之而盱。五乘之而疾。
惟二與上非應非比。故上可渝而无咎。二得正而吉。按
此全體由之而豫。反因之而獲凶。獲悔獲疾。則不然矣。

豫由四致。而所以致凶與悔者。非由四也。初恃其正。應以自鳴。是自取其凶也。三比之。而睢盱。是自取其悔也。初柔在下。三不中不正。其凶其悔。於四何與焉。若五之貞疾。則反得乘之。而不死。非四之功耶。二中正故吉。二與四同功。而異位也。上之冥豫。而得无咎者。以其淪矣。若其不渝。豈止於凶耶。不必以其遠於四。而得无咎也。彖利建侯行師。舉其重者言。明非順理以動。則人心不服。何利之有。傳又推廣言之。天地日月四時。聖人刑罰。作樂崇德。殷薦無非。順動所充。周其實。跨步之微。燕居之頃。動作。嘖笑之際。無一而非順理。而動所充。周也。故

曰豫之時義大矣哉。

三三 震下兌上

隨元亨利貞无咎

逆必相戾。順必相隨。故豫繼以隨。隨以初剛隨二柔。以五剛隨上柔。震剛隨兌柔。隨之道也。內動而外說。隨之德也。澤中有雷。陽伏於陰。隨之象也。夫以小事大。以賤事貴。義也。今以大事小。以貴事賤。必四德俱備而後无詭。隨之咎。春秋傳穆姜在東宮。筮自艮之八爲隨。姜曰。元者善之長。亨者嘉之會。利者義之和。貞者事之幹。而後无咎。卽彖傳大亨貞无咎。仍非一貞遂无咎也。若一貞卽无咎。彖辭不必辭煩。

彖曰隨。剛來而下柔。動而說隨。

剛來而下柔者。自乾來而居坤下也。震德動。兌德說。己動而人說。故爲隨。

大亨貞无咎。而天下隨時。隨時之義大矣哉。

元之理大而無外。廓然大公也。亨之理彼此咸宜。怡然順應也。事得其正是裁之以義。明之以智。守之以信。故无咎而天下皆隨其時。蓋己以是德而隨人。當隨而隨。所謂時也。時字非義精仁熟。不足以及之。故曰隨時之義大矣哉。不言隨之時義。而言隨時之義。蓋推廣而言。明隨之爲義。不獨隨人。隨時乃其義之大者也。曰隨時。

則都俞爲隨。吁咈亦爲隨。蓋可否相濟和而不同也。此與比同人卦義異者。比者人來比己。同人者人來同己。隨者以己隨人也。以己隨人義最深廣。非苟然己也。

象曰。澤中有雷隨。君子以嚮晦入宴息。

澤中有雷。陽伏於陰。以陰養陽。秋時也。君子法之以嚮晦入宴息者。嚮晦則陽入於陰。宴息則以陰養陽。陽雖動。必隨陰。以息。魂雖動。必隨魄。以藏。亦隨時之義也。夫晝居於內。問其疾可也。夜居於外。弔之可也。君子非有大故也。非齊也。不晝夜居於外。故朝而訪。論夕以安身。

與時而節。宣其氣。程傳雷動澤隨之說。朱子語類駁之。
初九官有渝。貞吉。出門交有功。

以貴役賤。以大役小。以心役耳目。所謂官也。初九以剛隨柔。是官有渝也。得貞而吉者。如心雖隨耳目而動。而視聽仍不失其正。故吉。然必出門交而後有功者。庭幃之內。應近易私。門閭之外。萬目共見。大公之象也。故有功。蓋其所以爲隨者。雖以貴下賤。以大下小。固不失其正。亦至公而無私。所謂大亨貞也。

象曰。官有渝。從正吉也。出門交有功。不失也。

以從正而後吉。則不正必凶矣。此劉柳之誤。隨王伾文。

也。出門交有功不失者。非出門之交。則私交也。其隨也。雖正。而有不失者。幾何哉。

六二係小子失丈夫

傳義以初爲小子。誤矣。初爲成卦之主。且陽大陰小。非小子也。卦以隨爲義。豈比爲隨耶。係小子者。二隨六三也。失丈夫者。近則失初。遠則失五。蓋二與初比。與五應。以係三之故。而失初與五也。明係小人者。必失君子。如穆姜之係宣叔。而失季孟是也。

二爻與三爻所係者如彼所失者如此語云一

失足成千古恨其信然乎

象曰係小子弗兼與也。

邪正不並立。賢奸不同羣。薰蕕異器。臭味差池。蓋其係者邪。則正弗兼與。所係者奸。則賢弗兼與也。

六三係丈夫失小子。隨有求得。利居貞。

係丈夫者。係四也。失小子者。失二也。傳義以失小子爲失初。亦誤。陽大陰小。不得以初爲小子。係君子者。必失小人。故當隨之時。爲有求而得。蓋求陽而得以濟陰。求賢得以成德。利居貞者。爲六三不中不正也。言隨而係丈夫善矣。猶在於居貞也。居者指己之心。言非丈夫而有不正也。

象曰。係丈夫。志舍下也。

下謂二也。志於上則舍於下。

九四。隨有獲。貞凶。有孚在道。以明何咎。

程傳及諸家皆以六二隨之爲有獲。本義獨謂四與五同德。本義是。蓋隨者主於已隨人。不主於人隨已。四隨五爲有獲。如三隨四爲有得。四五皆陽也。四大臣之位。隨九五之君。若以獲爵位爲榮。雖正亦凶也。惟與五交孚。君臣以誠相結。而且達不離道。以明獲爵位雖高。非以爵位羈係之也。何咎之有焉。

象曰。隨有獲。其義凶也。有孚在道。明功也。

當隨而求有獲。不必見於事。而其義已凶也。爲徒爲爵。

月
三
祿而隨君者。警有孚在道。明功者。明以道事君。有功於世。則周公之衮衣赤舄不爲失也。

九五孚于嘉吉

王伯厚曰。信君子者。治之原。故隨孚於嘉。則吉。信小人者。亂之本。故兌孚於剝。有厲。嘉善也。先儒多以孚於嘉爲下應六二。愚謂本卦以剛下柔爲隨之義。則所謂嘉者。上也。主比。不主乘與應。

象曰孚于嘉吉位正中也

謂九五有中正之德。故能樂取諸人以爲善。

上六拘係之乃從維之王用亨于西山

此則九五所謂孚於嘉者也。白駒之詩曰：繫之維之以永。今朝有客之詩曰：言授之繫以繫其馬。蓋九五畱賢之誠也。王亦斥九五用此人以享於西山者，蓋賢才天之所生，爲山川百神之所享，卽雖欲勿用山川，其舍諸之義，以精神通於鬼神也。

彖曰：拘係之上窮也。

上窮者，居隨位之極，無隨人之義也。蓋所託者大，非簞祿所能畱。所志者遠，非精誠不能結。明非九五所易係也。此卦以剛來下柔爲隨，主於己隨人，不主於人之隨己。蓋自初至五，皆有上爻以隨之。至上爻則己極無所

隨也。故卽上以發明九五隨之義而已。初與五俱吉者。剛隨柔也。四先凶而後有功。剛隨剛也。二三上俱柔。俱言係而義不同。二隨三。柔隨柔。所係者小人。三隨四。以柔隨剛。所係者君子。上之係非上之自係。乃九五係之。不獨係之。且拘之。維之。明五係之之誠耳。故雖以下柔爲義。而有時以隨剛爲善。謂三也。以隨柔爲不善者。謂二也。故曰隨時之義大矣哉。

三三 艮上 巽下

蠱元亨利涉大川先甲三日後甲三日

說於隨者必壞。故隨繼以蠱。蠱者壞也。以巽柔承艮剛。以初柔承二三剛。四五柔承上剛。蠱之道也。內巽爲進退。爲不果。外艮止而不進。蠱之源也。艮山在上。巽風在下。風入而山止之。蠱之象也。左氏傳曰。風落山。女惑男。艮長女惑艮少男。爲蠱。皿蟲爲蠱。穀之飛者爲蠱。凡物陰入於內。陽止於外。爲蠱。在人有小之蠱。身之蠱。家國天下之蠱。晏安鴟毒。蠱於心也。聲色貨利。蠱於身也。婦子嘻嘻。家務不理。蠱於家也。上恬下嬉。相忍爲國。蠱於國也。君

驕。臣。詔。萬。幾。坐。廢。蠱。於。天。下。也。治。蠱。之。道。必。元。亨。者。仁。則。私。欲。盡。去。禮。則。怠。慢。不。生。利。涉。大。川。者。宏。濟。艱。難。必。一。德。一。心。也。先。甲。三。日。後。甲。三。日。甲。東。方。猶。東。作。也。始。事。也。異言先庚後庚庚酉方猶西成也終事也先。三。日。而。甲。令。誠。之。謹。之。於。始。非。不。戒。視。成。慢。令。致。期。也。後。三。日。而。甲。令。申。誠。之。謹。之。於。終。非。病。加。於。小。愈。志。衰。於。末。路。也。先儒謂先甲取辛勤後甲取丁則。庚。甲。之。義。無。別。且。屬。假。借。先。甲。卽。始。以。圖。終。後。甲。卽。終。以。圖。始。此。幹。蠱。之。義。也。

彖曰蠱剛上而柔下與而止蠱

本義云斯致蠱之由非幹蠱之道程傳誤矣夫剛上而

柔下奉之。斯言莫予違。邦所由喪也。耽樂怠玩。是自求禍也。物必先腐也。而後蟲生之。此以致蠱也。

蠱元亨而天下治也。利涉大川。往有事也。先甲三日。後甲三日。終則有始。天行也。

天下治者。舉天下而納之仁禮之中也。往以治蠱。有文事。有武事。撥亂世反之正也。天之行無息。今日之終。卽明日之始。先三日以圖始。固始也。後三日以圖終。亦始也。無時或息。故曰終則有始。天行也。

象曰。山下有風。蠱。君子以振民育德。

風入於山而成蠱。君子法之。其振作民氣也。如風之速。

使自新其涵育民德也如山之深使允殖

初六。幹父之蠱。有子。考无咎。厲終吉。

枝葉附而生者。謂之幹。厚培元氣而邦本安。版築夾而正者。謂之幹。糾正愆謬而國維奠。不曰君曰父者。動以性天。幹蠱之責。不容己也。子能幹蠱。在父則曰幸哉。有子而无咎。危厲乃終吉。以六居初也。卽先甲後甲之義。禹治水以之。或曰考善也。能以意承則善也。

象曰。幹父之蠱。意承考也。

不承父事而承父意。前人敗壞。未有不欲後人振興之者。不必諄諄遺命。而能善承其意也。

九二幹母之蠱不可貞。

二應六五柔中之主有母之象。

如晉王母。小過稱妣。

幹者內格其

非心。外匡其邪行。不可貞者。不正言正色斥其過。惟委。

曲婉轉達其誠。匡救彌縫不觸其怒。是也。

貞是易中第一義云不可

貞者特不可。或曰。君既柔順。何不可以剛克而爲是遷。

就者變友柔克也。

象曰。幹母之蠱。得中道也。

剛居柔中。得中道。卽不可貞。亦不失其爲貞。

九三幹父之蠱。小有悔。无大咎。

以剛居剛。以之幹蠱。直言不諱。則觸其怒。怙終不悛。則。

遂其非。此忠臣受辱孝子賊恩也。故小有過剛之悔。然君有爭。臣雖無道不失。天下父有爭子。則親不失其令名。無國破家亡之大咎也。

象曰。幹父之蠱。終无咎也。

不孝有三。阿意曲從。陷親不義。一不孝也。故幹父之蠱。終无咎。初言終。三亦言終。蓋不能幹于始者。猶望幹之於終。然終卽以爲始。三居下卦之終。將爲上卦之始。

六四。裕父之蠱。往見吝。

書曰。垂裕。又曰。成裕。裕美德而施之。幹父之蠱。則不可。蓋裕過於柔。子之辭不達意。過於寬。親之心不知非。持

此以往必見吝。謂不能以己意達之君父也。

象曰。裕父之蠱。往未得也。

未得。謂未得君父之心。苟君父後或悔。必反咎其不幹而裕之也。

六五。幹父之蠱。用譽。

譽。美名也。用譽。以幹蠱。善則歸親。使人不知父之蠱。并不知己之幹蠱。卽已亦忘己之幹蠱。父亦忘子之幹蠱。但見其用譽而已。舜之克諧。烝乂以之。書曰。爾有嘉謀。嘉猷。則入告爾后於內。爾乃順之於外。曰。斯謀斯猷。惟我后之德是也。六五柔居剛得中。故有此象。

象曰。幹父用譽。承以德也。

初曰承意。五曰承德。承意於始。承德於終。初先用。五後甲也。能承以德。則蠱胥化而爲德。故不曰幹父之蠱。而曰幹父用譽。承以德也。

上九。不事王侯。高尚其事。

初至五皆言父母。上曰王侯。王侯卽父母也。上居卦外。無與於幹蠱。遯五爻皆言遯。惟二不言遯。二爲王臣。義無可遯。蠱五爻皆言蠱。惟上不言蠱。上非王臣。義不當幹也。人無不事父母者也。故不曰父母曰王侯。不事王侯者。天下賢才皆起而幹蠱。已獨歛晦韜光。若治亂無與於已者。而清風高節。獨表於世。故曰高尚其事。

曰不事。又曰其事高尙。不事卽其事也。范仲淹嚴子陵祠堂記曰。在蠱之上九。衆方有爲而獨不事王侯。高尙其事先生。以之當時。光武與雲臺諸將起而幹蠱。而子陵光武故人。獨坐富春。若無事者。而大節所植。頑廉懦立。振東漢數百年之節義。高尙卽其事也。

象曰。不事王侯。志可則也。

人皆以事爲幹。已獨以志爲幹。其志可爲天下後世則幹蠱之道在元亨。仁以培復其元氣。禮以改革其風俗。故曰元亨而天下治也。然彖意在終始惟一。爻義在剛柔相濟。以之涉大川。則撥亂反正。以之救衰亂。則振民

育德而幹蠱之道畢矣。先甲後甲。圖終於始。卽慎始於終也。三則慮其剛過而至悔。四則恐其柔過而至吝。惟二剛柔得中焉。初承意。五承德。則統始終。備剛柔而一之也。上之高尚此不幹之幹。更有得於元亨之精義者。

三三三
坤上 兌下

臨元亨利貞至于八月有凶

幹蠱而天下治。故蠱繼以臨。臨謂以上臨下。以大臨小。此卦坤上兌下。以坤地臨兌澤。上臨下之象也。程傳以主此初二陽臨三四五上陰。大臨小之象也。愚謂六爻皆言臨。猶天有十日。人有十等。遞相臨也。內說於義理。外順於人心。臨之德也。元亨利貞。四德也。仁義禮智。生知之德。足以有臨。足以容執敬別。皆在乎此。八月有凶者。戒辭也。凡陽長之卦。皆下戒辭。如泰於隍。大壯壯趾。夬有厲。乾亢龍。蓋消息盈虛。無往不復。臨二陽長矣。十二月長必有消。於其消而

謀以救之晚矣。故制治未亂。保邦未危。此泰於三與上。皆發明此意。欲人知所謹也。八月三說。蜀才孔仲達云。自丑至申為否。鄭康成王輔嗣云。自子至未為遯。荀慈明褚仲都自寅至酉為觀。本義兼取遯觀二義。愚謂臨之反。即為觀。自臨長二陽至乾六四陽長至姤一陰生而遯陰二而否而觀陰三而觀四陰生。至於八月。指觀言也。又按日月為易。故復曰七日來復。逆而溯其已往。臨言八月有凶。順而推其將來。或曰陽生矣。欲其速。故復言七日。即幽風一之日月十一二之日月十二三之日月十三四之日月十四。正月是也。陰生欲其遲。故臨言八月。即四月秀蓂純陽而五月陰已寓。

鳴蜩

陰

七月流火

陰

九月授衣

陰

是也七者少陽數也

八者少陰數也復言七則自老陰盡而少陽生臨言八

則自老陽盡而少陰生矣

彖曰臨剛浸而長說而順剛中而應大亨以正天之道也

剛浸而長謂初與二也

復一陽生曰剛反臨二陽生曰剛浸長

剛之長也姤一陰曰柔遇不欲其遇也遯二陰曰浸而

長也不言柔不欲柔之長也剝五陰曰柔變剛不欲其

變也此雖天運循環即理欲消說而順者內兌說外坤

長治亂倚伏聖人有微意存焉

順苟非內說義理外順人心不足以爲臨剛中而應者

雖謂二與五然有剛中之德以應天下事無難也元者

至善無不包亨者四達而不悖以正則事無不得宜無

不得正。四德天下之達道。卽天時行物生之道也。

至于八月有凶。消不久也。

陰陽消長。雖天運之常。言不久者。有觸目警心。

象曰。澤上有地。臨。君子以教思無窮。容保民無疆。

澤上有地。以地臨澤也。君子法之。教思無窮。取諸兌。澤相說。以解曰。教思者。聖教循循有教。無類之心。無人而不入於善。容保無疆。取諸坤。土大順而化曰容。保者王道蕩蕩。懷保惠鮮之念。無人而不卽於安。

初九。咸臨貞吉。

咸者虛以受人。二陽以陽臨陰。以大臨小。虛已自下以。

爲臨以九居初得正而吉也。

象曰咸臨貞吉志行正也。

志發於心行見於事志正則行正而臨无不正。蓋咸雖无心之感實至正之臨也。

九二咸臨吉无不利。

二與初皆以陽臨陰以九居二則虛中以臨或剛或柔无不利也。

象曰咸臨吉无不利未順命也。

氣數之命消息盈虛此爻二陽正彖所謂八月有凶者命也。惟君子以虛中公溥之心盡修已回天之力故曰。

未順命書曰惟克天德自作元命是也如武侯治蜀開誠布公成敗利鈍非所逆觀此與姤曰志不舍命否曰有命當參看二而一也

六三甘臨无攸利既憂之无咎

不中不正甘於以上臨下者是徒以養尊處優之爲樂而不知任大責重之爲憂故无所利然既憂位高難稱也則無溺職之咎

冥豫而勤其渝開改過之門憂與甘甘臨而勤其憂導遷善之路

正相反先儒謂甘以說人愚謂說己之臨人非務以說人也

象曰甘臨位不當也既憂之咎不長也

二言无不利。三言无攸利。二中而三不中也。四言位當。三言位不當。四正而三不正也。此單言位不當。不正卽不中矣。能憂故咎不長。不憂其能免咎乎。

六四至臨无咎

以六居四得正。至者至性實體於心也。初以虛心臨。四以實德臨。至誠待物。物應以誠。故无作僞之咎。

象曰至臨无咎位當也

惟其正故當。

六五知臨大君之宜吉

聰明睿知。足以有臨。大君之宜者。成物之智。得時措之。

宜神化之智使民宜之故吉。彖元亨利貞四德此爻當之。

象曰大君之宜行中之謂也。

本心德之中為行事之中故能事皆得宜盡大君之道苟非中也則有過不及何由得宜乎。

上六敦臨吉无咎。

居臨之極敦加厚也。蓋惻怛愷弟之懷有加无已周詳。懇至之念引釋无窮以是而臨故无德薄之咎。

臨曰敦臨復曰

敦復地之博厚也艮曰敦艮山之廣厚也

象曰敦臨之吉志在内也。

虞書九族曰惇。五典曰惇。惇與敦同。敦不在外貌而在內心。

曰志在內。非以親厚市於外也。

臨以大臨小。以上臨下。元亨利貞盡之矣。本之以仁。通之以禮。行之以義。要之以信。作君以之。容保无疆。作師以之。教思无窮。者胥在此。初二咸臨。四德存於中而虛以受。四至臨上。敦臨。四德存於中而實以體。五知臨大君之宜。四德存於中而見於事也。三甘臨。恐其說於勢位而忘其德。故策之以憂。雖八月有凶。在天命亦可如二之未順命也。曰說順。曰剛中。四德之剛柔並濟也。曰行中。曰行正。四德之大中至正也。大亨以正。天之道。卽

天之照臨下土。其外此四德乎。

䷁ 坤下
與上

觀盥而不薦有孚顒若觀去聲

足以臨天下自足以觀天下故臨繼以觀與上坤下二

陽觀四陰觀之道也五尤中正內坤順理外與孫讓觀

之德也風在地上觀之象也艮爲門闕此卦象疊艮艮

盥而不薦本義謂潔清而不輕自用是當祭之初盥手

之時無所用其事不必獻生獻熟其誠如此程傳益潔

清之德儼若神明精微之妙森然於穆孚信在中和敬

發外羣下仰之所謂奏假無言時靡有爭不動而敬不

言而信也臨天下則有事故曰元亨利貞四德發見小

四德渾然大德之敦化也此卦正臨所謂八月有
凶而聖人以別義言猶坤也然六爻中尚有微意

彖曰大觀在上順而巽中正以觀天下

觀去聲

此釋卦名陽爲大在上二爻故曰大觀在上蓋非大無
以觀小非在上無以觀下也卦德內順外巽卽堯內允
恭外克讓舜內允塞外溫恭文王內徽柔外懿恭也中
正以觀天下謂九五也建中而天下取中表正而天下
取正所謂皇建有極而會極歸極也

觀盥而不薦有孚颙若下觀而化也

下觀平聲

下觀而化者廟中則顯相肅雍廟外則朝野丕變蓋德
盛而化至誠感神也程子曰上下一於恭敬則天地自

位萬物自育其殆篤恭而天下平者乎。

觀天之神道而四時不忒。聖人以神道設教而天下服矣。
神道者一而神也。神無形惟其一故不貳而陰陽不愆。
惟其一故不息而寒暑迭運。聖人以神道設教者非假
神道以愚民也。以此至一者洗心而退藏於密。齊戒以
神明其德。蓋不顯之德無聲無臭。即上天之載不殺之
威無貳無虞。即上帝之臨故敷之爲五教而涵泳其德
者鼓舞不自知而天下自服也。

象曰風行地上觀先王以省方觀民設教。

觀去聲

風行地上風無不周。先王法之正月之吉始和布令象

魏之懸使民上觀乎治象四時巡狩觀風問俗輶軒之
使使之下觀乎民風設教者示儉示禮以變其風異制
異宜以因其俗彖傳神道設教此曰觀民設教辭異理
同蓋天之視聽即民之視聽民即天也以天下有風姤后
由內而達外風行地上觀先王
以省方觀民設教由外以建中

初六童觀小人无咎君子吝

以下觀平聲

以柔居初在下童觀之象也童无遠大之知也小人細
民也以童而觀如稼圃是圖不審大人經世之學衣服
是慎罔知君子經國之猷蓋見小而忘大圖近而忘遠
在細民則无不安分之咎在君子則有不能致遠之吝

也。此與婦人吉。夫子凶相類。推之卜式。桑宏羊之言。利皆小人也。童蒙則吉不自用。而求諸人童觀則吝不資人而足諸已。

象曰。初六童觀。小人道也。

小人之分宜然。非君子之道也。

六二闕觀。利女貞。

闕者從門隙視。如以管窺天焉。見其一不見其全。行於內不行於外。女者未適人之辭。利於閨門之內。守正則吉也。先儒謂此近初不取應五。雖柔中得正。亦以順爲正。非丈夫之道也。王安石之青苗可行於一邑。不可行於天下是也。

象曰闕觀女貞亦可醜也。

孟子所謂妾婦之道也。

六三觀我生進退。

三漸近四。觀我生進退者。不觀人而觀已也。觀我生之德業成與不成。以爲進退之本。觀我生之道義行與不行。以審進退之宜。我之道行也。時雖甚否。亦進而有爲。我之道不行也。時雖未否。亦退而獨善。所謂以道殉身。以身殉道。

象曰觀我生進退未失道也。

未失道者。窮不失義。達不離道也。道義苟失。進退何所。

取乎

六四觀國之光利用賓于王

四近五者也。故曰觀國之光。運際昌明。時逢邳治。出而
策仕。聖人之心也。利用賓于王者。以賓禮見王也。夫觀
光有志。然上非據樂善忘勢之誠。備至敬盡禮之節。通
鹿鳴伐木之誼。切周行之示樂和平之聽。猶有待焉。道
重而禮自重。禮行而道自行。世運所以轉否爲泰也。此
爻在臨。正八月有凶在坤。正天地閉。賢人隱。然在此卦。
則九五爲中正之君。所由不至於凶也。賢人所由不隱
也。然必重其禮而後出。不然。甘括囊无咎无譽而已。孔

孟以之。

象曰。觀國之光。尙賓也。

尙尊之也。尊之如賓。弗敢臣。所由賢者樂觀光也。舜尙見帝。迭爲賓主。武王稱太公曰。尙父。是。

九五。觀我生。君子无咎。

此爻所謂中正以觀天下者。觀我生者。慎危微。以執中。無反側。以表正。觀我生之上。顧天命。下畏民。晷者何如。惟君子乃无中不正之咎。

象曰。觀我生。觀民也。

觀民俗之盛衰。知我生之善敗。書曰。人無於水。監當於。

民監是也。

上九觀其生君子无咎。

此爻與九五同爲大觀在上。實則統全卦言之。觀其生平。見小不見大。見近不見遠。如童觀闕觀乎。一進一退。合於道乎。觀光能以禮自守乎。觀我觀民而无忝乎。惟君子乃无仰愧俯作之咎也。先儒謂五上二爻皆著君子。微寓觀四陰生。卽剝上九君子得輿之意。愚謂初曰童。二曰女。已隱寓小人誤國意在言外。

象曰觀其生志未平也。

志未平者。謂此心歆然如不及。猶不敢自信生平之无

咎正君子望道未見檢身不及心也

此卦四陰生於下較之否又甚焉而彖以觀去聲爲義爻

以觀平聲爲義若无與於四陰生者詳觀其義從對面明

之而八月有凶盡見矣夫治亂之分誠與僞敬與慢其

源也不中則偏不正則邪其事也見小欲速忽近忘遠

國之所以亂也爲臣不審進禮退義之節則廉恥喪爲

君而無觀我觀民之心則驕侈生不亡何待盥而不薦

誠敬之至也大觀在上中正之極也神道設教觀民設

教天人之道也不爲初之童觀則所見者大不爲二之

闕觀則所見者遠如三之進退有道四之觀光以禮臣

道得矣。五觀我生。上觀其生。君道盡矣。何憂八月之有
凶乎。反是可思矣。

三三 震下 離上

噬嗑亨。利用獄。

觀天下以德。威天下以刑。書曰。德威惟畏。德明惟明。故觀繼以噬嗑。噬嗑者。噬而後合也。卦象頤。九四陽梗於中。必噬之而口始合。與賁相似。賁陽在三。上卦艮止而不動。此卦陽在四。下卦震而能動。故不取此卦。德內震動。外離明。故噬嗑有亨道焉。陰陽之賁取此。卦德內震動。外離明。故噬嗑有亨道焉。陰陽之梗。戾氣也。雷電作而去之。人倫之梗。讒間也。明威作而去之。人心之梗。私欲也。明動作而去之。皆亨也。利用獄。其一事耳。詳見彖傳。

彖曰。頤中有物曰噬嗑。

此釋卦名。近取諸身也。物者梗於頤者也。噬之則噓矣。故曰噬噓食也。

噬噓而亨。剛柔分。動而明。雷電合而章。柔得中而上行。雖不當位。利用獄也。

噬噓而亨。不噓則不亨矣。剛柔分。凡三陰三陽卦皆然。此獨言分。不分則畸。剛畸柔而是非邪正無以辨。分則曲在彼。直在此。噬其曲者矣。動而明則能斷天下之理。而不懼。判天下之理而不疑。不動則懦。不明則惑矣。雷電本分也。惟其合而雷助電威。電助雷勢。動與明合而自章顯也。柔得中而上行。斥六五。言折獄雖貴明威而尚

柔者。欽恤之仁。寧失不經也。中。卽士制百姓於刑之中。不中則過於柔矣。上行則居君位。行於上而施於下也。晉啖鼎言柔進而上行。此言柔得中爲折獄言。蓋折獄之事。臣道主剛。九君道主柔。六禮曰王三宥。然後制刑是也。以六居五。雖不當位。折獄則宜。

象曰。雷電噬嗑。先王以明罰勅法。

凡大象傳必先上卦後下卦。此先言雷後言電。如天地交泰。澤上有地之例。不必泥。震雷離電。此天地明動之威。除戾氣以生萬物。先王法之以正。明其刑罰如離之明。謹勅其法令如震之速。明罰勅法。明動於未折獄之先。折獄致刑。動明於折獄之

際。象雷火也。取象於山火者。在責明庶政。无敢折獄。在旅。明慎用刑。而不留獄。取象雷水者。解則赦過宥罪。取象風澤者。中孚則議獄緩死。聖人之心。合六卦見矣。彖辭折獄。惟此卦言。象傳補彖所未備。

初九屨校滅趾无咎

彖傳以九四爲頤中之物。爻辭以初上爲受刑之人。先儒謂初上无位。非也。初上特統全卦言。明致罪之由。實由小。以至大。由始。以迄終。繫辭所謂小懲大戒。惡積滅身。非僅爲受刑者言。實爲用刑者言。勅之於始者。易用之於終者。難也。王輔嗣云。凡過之所始。必始於微。而後至於著。罰之所始。必始於罰。而後至於誅。初爻動之主。上爻明之終。初於人之犯法者。從而屨校以滅其趾。卽

小懲之義也。不於其小而懲之。語曰。涓涓不息。流爲江河。炎炎不絕。蔓蔓若何。言貴治於先也。如鄉曲一二莠民。作奸犯科。不早懲之。以至聚衆成羣。莫之能制。此三四五有遇毒艱厲之患也。於初而懲之。在我无養奸之咎。在彼无怙終之咎。非指初爲受刑之人也。

象曰。屢校滅趾。不行也。

不行者。在受刑者。不敢再行。實用刑者。使之不行也。夫使之不行。必有使之行者。明刑所以弼教也。

六二。噬膚滅鼻。无咎。

膚。飪肉也。祭禮有膚鼎。雍人掄膚。噬膚言易也。滅鼻滅

於其始也。凡人受胎始有鼻。故今人呼始祖為鼻祖。先儒謂雖甚易。不免滅傷其鼻。如此安得无咎乎。且爻有三滅字。不應此滅鼻獨為用刑者言。漢儒謂滅趾即判刑。滅鼻即劓刑。滅耳即刵刑。自孔穎達以屢校荷校為桎梏。宋儒因之。遂因校而不見其趾耳。理亦可通。惟滅鼻不可云自滅其鼻。蓋云用獄如噬膚之易。以滅於其始。使之不敢再犯。无長惡之咎。六二柔順中正。

象曰。噬膚滅鼻。乘剛也。

凡剛惡易治。柔惡難治。剛惡見於行。柔惡根於心。六二中正。噬之易。而滅於始者。以所乘者初剛也。易五言乘剛。屯豫噬

噬震皆乘震剛非不吉惟因解乘坎剛則凶詳見上

六三噬腊肉遇毒小吝无咎

腊昔陳久之肉也噬腊肉者斷陳久之獄欲雪人之冤則死囚也我求其生欲翻前之案則積牘也我正其失噬未噬毒已遇謂必有蠹吏爲己害如腊肉已久必然斷而行之六三震雖未盡達於人而小吝焉亦无枉法之咎在三所噬者四也

象曰遇毒位不當也

觀六五位當則此云不當不以陰居陽爲義言若終於遇毒而未得无咎位猶不當也

九四噬乾姊得金矢。利艱貞吉。

彖以此爻爲頤中之物。爻以此爻爲折獄之良。義相表裏。爲梗於頤者。噬之而卽噍也。九四明體之初。剛居之。姊肉之有骨者。難噬之。疑獄也。噬之得金矢。陸績云。剛直也。程傳因之。蓋剛莫如金。直莫如矢。本義以爲周禮鈞金束矢。信然。則富者得申。貧者終負屈矣。利艱貞吉者。已雖剛直。自得苟非以艱難之心。則恃才智而反失。非以貞正之道。則極鍛鍊而反偏也。其吉者。利艱貞正也。

象曰。利艱貞吉。未光也。

未光者。歉然於中。未敢自信。其光顯也。彖義以柔中用。

獄。此以剛直。恐剛過而以艱貞出之。故曰未光也。

六五噬乾肉得黃金貞厲无咎

柔得中而上行者。噬乾肉。比之二之噬膚難。二噬其惡。未成者。五噬其惡已。成者。比之三之噬腊四之噬肺而。易臣斷獄以獄之成獻於王。受其成也。得黃金得中而。剛也。六五柔中得剛中濟之。此獄之所以能噬也。然雖。得中猶持危厲之心。此哀矜之念。欽恤之仁。故无濫刑。之咎。

象曰貞厲无咎得當也

彖傳曰。雖不當位。此云得當。如此治獄。乃得其當也。

上九何校滅耳凶

此舉獄之終言。明取戾之由。不指此爻爲受刑之人。繫辭曰。罪大不可解。惡積不可掩。蓋非一朝一夕之故。其所由來者漸矣。言用獄者。如有此罪大惡極之人。當何校而滅其耳。凶由自取也。

象曰。何校滅耳。聰不明也。

聰不明者耳聞而不求諸心也。書曰。我惟時其教告之。我惟時其戰要囚之。至於再至於三。乃有不用我降爾命。我乃其大罰殛之。是也。初曰不行行在事。過之輕者。非終者也。上曰不明。明在心。罪之重者。此卦不僅言獄。彖爻特舉獄以立象。獄與訟。

同而異。訟主別是非。判曲直。獄主詰奸慝。刑暴亂。訟之
生也。以剛險。獄之折也。以明威。聽訟之主在剛中。故訟
九五曰。元吉。折獄之主在柔中。故噬嗑六五曰。貞厲。訟
於初戒。其成於終。休以辱。噬嗑於初懲。其小於終。休以
凶。訟多就致。訟者言噬嗑多就折。獄者言訟不欲其訟。
故曰。渝曰不克。曰禡。獄則難於折。故曰毒。曰艱。曰厲。是
無訟。獄者聖人之心。而辟以止辟。刑期無刑。聖人之道
也。

三三 離下

賁亨。小利有攸往。

物不可以苟合。合必有文。故噬嗑繼以賁。賁文飭也。內離明。外艮止。內明乎人情。外止乎禮義。賁之德也。三剛三柔交錯成文。賁之道也。山下有火。草木賁若。賁之象也。賁何以亨。禮無本不立。無文不行。忠信禮之本也。義理禮之文也。質勝文者。以文文之。故行無不達。則亨矣。文勝質者。以質文之。雖行亦可通。僅小利有所往矣。文質輕重本末。彖傳詳言之。

彖曰。賁亨。柔來而文剛。故亨。分剛上而文柔。故小利有攸

往。天文也。文明以止。人文也。

此并卦名辭而釋之。賁之亨者。柔來文剛也。內卦離體二剛。剛有餘也。坤柔來居乾中。以文之猶肫然有親。復粲然有文。故亨也。分剛上而文柔。故小利有攸往者。外卦艮體二柔。是柔有餘也。分乾在坤上。以文之若大文彌耀而小信未孚也。故小利有所往也。天之文錯焉成章。卽在是焉。蓋天之文雖曰一陰一陽。然必陽多而陰少。猶一歲內晴霽日多。陰雨日少。始能生物。當太陽之盛也。而陰雨以文之如柔來文剛。故品物咸亨也。當陰雨之盛也。而太陽以文之如剛上文柔。亦小利而已在。

天猶貴剛道而況於人乎。文明在內。艮止在外。明藏不露。闇然日章。人之文也。故曰明以止。所以爲文止而健。所以畜德。

觀乎天文以察時變。觀乎人文以化成天下。

觀天文。凡日月星辰風雨露雷皆陽爲主。而陰附之以察四時之遞變。而歲功成。觀人文。凡親疏上下尊卑遠近皆質爲主。而文附之以化五倫之鄙薄。而治功成。

象曰。山下有火賁。君子以明庶政。无敢折獄。

山下有火。明不及遠。雖非明入地中。已非火在天上矣。君子法之。明之所及者。實心體之。使政務之。就理明之。

所不及者。虛心度之。懼獄情之易蔽。曰无敢者。非不折獄也。但不以敢心出之。

初九賁其趾舍車而徒

以九居初得賁之正。趾止足也。身之最下者。

易於初多取象於趾

噬嗑滅趾咸咸趾大壯壯趾艮艮趾此賁其趾是

賁其趾有安貧賤之樂无艷

富貴之心。舍車而徒。非矯情也。路車乘馬。義得乘之。否則徒行可也。

象曰舍車而徒義弗乘也

義弗乘其車。徒可也。義弗食其祿。行可也。故君子安步以當車。晚食以當肉。

六二賁其須。

此爻卽柔來文剛者與三比故有賁須之象。須所以天
頤卦有頤象所謂容止可觀也。詩曰其人美且偲。

象曰賁其須與上興也。

與上興以六二之柔附九三之剛而興猶文附於質。陸
士衡曰理扶質以立幹文垂條以結繁如枝葉依附於
幹焉。

九三賁如濡如永貞吉。

初賁趾下也。二賁須上也。九三得正備離體之全。濡如
者清和潤澤之氣溢於容體如者形容不盡之辭。永貞

吉者詩所謂令儀令色。小心翼翼。永守其正。根心生色。則非色莊故吉。

象曰。永貞之吉。終莫之陵也。

書曰。汝惟不矜。天下莫與爭。能汝惟不伐。天下莫與爭功。世之相陵者。德之不修也。抑抑威儀。維德之隅。其誰陵之。

六四。賁如皤如。白馬翰如。匪寇婚媾。

六居四得正。與初正應。自初至三。柔來文剛。故外見其文。自四至上。剛上文柔。漸反乎質。於六四見其端也。皤。白貌。當賁如而忽皤如。乘白馬如飛翰而至者。謂初也。

曰。繻曰。白。有反。樸。還。淳。之。象。始。見。其。賁。疑。其。爲。寇。已。尙。質。而。彼。尙。文。非。同。心。同。德。之。侶。也。後。見。其。繻。其。白。已。尙。質。而。彼。亦。尙。質。乃。一。德。一。心。之。儔。也。故。曰。匪。寇。婚。媾。重。婚。曰。媾。和。會。之。至。也。

象曰六四當位疑也匪寇婚媾終无尤也

當位何疑。疑己之尙質。與天下之尙文不合也。紛華之俗。一人衣冠。古處欲挽狂瀾。不疑其難乎。然天下有同心。是以匪寇婚媾。終无尤之者。

六五賁于邱園束帛莢莢吝終吉

六五柔中正。剛在上而文之者。邱園山林之地。賁不在。

朝廷在山林。求上九之賢。補己之不足也。古者束必加璧。今惟束帛。則蔑蔑小矣。故有吝而未通之象。然國奢示儉。雖吝亦終吉。

象曰。六五之吉。有喜也。

喜及于近。言六五之吉。雖未能化成天下。然風俗漸變。喜己尙質之志得行也。至上究極言之。

上九。白賁无咎。

此爻正剛上而文柔者。四五皆柔。上剛以文之。使反其本。故曰白賁。白者色之本也。禮也者反所自始。醴酒之用。元酒之尙。割刀之用。鸞刀之貴。莞簟之安。而橐籥之


設所以反本修古。不忘其初也。卽白也。何賁如之。而无失奢過儉之咎。

象曰。白賁无咎。上得志也。

上得志者。觀乎人文。以化成天下也。還淳反樸。革薄從忠。士食舊德。農服先疇。規矩高曾。采章先哲。舉一世而甄陶之。四當位而疑。至于上而志始得也。

此卦名賁。而彖爻皆反本言之。賁雖文而務質。而質未嘗不濟以文也。然質勝而濟以文。則亨。文勝而濟以質。僅小利。論語質勝文則野。文勝質則史。文質彬彬。然後君子。先儒謂質有益無損。文有損益。猶此意也。故卦德

以文明以止爲賁。初二三離明之體。柔來文之。則由質入于文矣。然初曰賁趾。二曰賁須。三曰濡如。知忠信存于中。而文采章于身也。且初曰舍車。二曰與上。三曰永貞。卽甚文而崇質自見。四五上艮止之體。剛上文之。則由文而反乎質。故四曰皤如。五曰束帛。上曰白賁。知變奢靡之風。成敦樸之俗也。然四曰寇。五曰吝。至上乃得志。則流風之難挽。亦無不可挽。是在爲民上者。



艮上坤下

剝不利有攸往

賁反本則風俗淳賁致飾則物力盡故賁繼以剝剝爛也五陰在下一陽在上陰盛陽衰剝之勢也九艮山在上坤地在下山附於地剝之象也順時而止剝之德也不利有攸往无補於世不如守道以待時往必危其身不如避地以免禍否三陰進也不利君子貞剝五陰進也不利有攸往

象曰剝剝也柔變剛也

剝訓剝也在也字傳神猶小過過也之意使人思致剝

之由處剝之義。救剝之道。而止。致剝柔變剛。處剝順。夫則剛。決柔名正言順。揚於庭而衆共知。剝則柔變剛。浸淫侵蝕。剝其膚而人不覺。

不利有攸往。小人長也。順而止之。觀象也。君子尙消息盈虛。天行也。

否。小人道長。君子道消。至剝直言小人長也。歎息之情。猶莫赤匪狐。莫黑匪烏也。坤順艮止。內順時而外止之。觀五陰一陽之象也。孔子欲見趙簡子。聞殺鳴犢。臨河而反。孟子曰。無罪而殺士。則大夫可以去。無罪而戮民。則士可以徙。陽虛陰盈。盈則必消。消則必虛。虛則必息。息則必盈。如循環焉。天之行也。君子與天爲徒。尙

之與時偕行。其不利有所往。卽天道之閉藏也。

象曰。山附於地。剝。上以厚下安宅。

不曰。地上有山。曰山附於地。蓋山高而地載之。猶君尊而民戴之。常也。山頽而下。附於地。猶君傾而下。夷於民。氣銷於下。所以爲剝。上君也。監之知高。以下爲基。邦以民爲本。厚其下。而上自固。培其民而邦自安。詩曰。雖則劬勞。其究安宅。此宣王中興民宅安而上宅亦安矣。

初六。剝牀以足。蔑貞凶。

當剝之初。故著此象。牀者夜之所安。身之所暱。剝蝕牀之足。乘人所不及覺也。小人之害君子也。從陰私以售。

其奸自暱近而肆其毒總之以邪蔑正言凶者爲君子
惕使知思患豫防

初故言足

象曰剝牀以足以滅下也

明著下字應知自下而上雖未及身而下已滅矣言以
者若小人可操其權君子當避其禍

六二剝牀以辨蔑貞凶

辨者牀之幹下則足上則膚辨者上下之分也至辨則
近膚過此以往卽臣有作福作威玉食其害於而家凶
於而國其蔑正愈甚凶戒君子

象曰剝牀以辨未有與也

易以應比爲與。三應上曰无咎。五比上曰无不利。二與上非應非比。無君子與之。以正其過。而生其悟。益張其勢。而逞其威。故目無上下之辨。

六三。剝之无咎。

三與上正應。言能與君子應。故當剝之時。獨無蔑正之咎。蓋人心不死。天命常留。當剝喪元良之日。猶有人知君子之正。而應之者。故能完其身。而无玷也。

象曰。剝之无咎。失上下也。

上下謂上下四陰。居小人之中。不入小人之黨。明其能失小人。所以能應君子也。

六四剝牀以膚凶。

自足至辨。自辨至膚。勢所必至。始不早辨。終必噬臍。爲君子危也。不言獲貞。第明其凶。漢唐之季。其明驗矣。

象曰剝牀以膚切近災也。

六五貫魚以宮人寵无不利。

天下有君子不能无小人。猶有陽不能无陰。所賴治之得其道矣。六五近上九。故有此象。如元后之馭宮人焉。使之如魚以序而進。以宮人寵修內職。不干外政。明恩誼不假事權。无不利。猶遜所云畜臣妾吉。

象曰以宮人寵終无尤也。

寵之則疑有尤。以宮人寵之。故終无尤也。蓋莊以泣。慈以畜。義當如是。此釋无不利之意。

上九碩果不食。君子得輿。小人剥廬。

乾爲木果。艮爲果蓏。一陽在上。故有此象。當凋剝殘蝕。而碩果存焉。果中有仁。仁者天地生生之理也。故自剝。歷坤而復生。不食者。生理存也。輿者行路之所安。廬者居處之所庇。當剝之時。君子得輿。以歸安其性命。小人之剝。反不庇其身。家在彼方。剝膚以肆其害。不知自剝。而失其居。漢唐闕宦皆然。

象曰。君子得輿。民所載也。小人剥廬。終不可用也。

民所載者。好善之誠。本乎天性。愛戴之切。合乎大公。此君子之所以得輿。而小人終於自剝。雖有善者。無如之何。至此猶能用其剝蝕之故。智乎。終不可用也。君子覽天地盈虛消息之故。觀善惡消長之機。推其致剝之由。則柔變剛也。迹其所由變。則自足而辨而膚。以漸而近。初之剝足。卽坤之履霜。宜早辨也。二之剝辨。卽遯之係遯。終致疾也。否之三。下近小人。著畜惡之府。剝之三。上應君子。聞遷善之門。四之剝膚。卽坤四之天地閉。賢人隱也。五之貫魚。猶坤五之黃裳。乎。在坤則著其中順之德。在剝則明恭順之情。非爲小人謀。爲君子謀。

也。碩。果。在。上。君。子。得。輿。卽。順。而。止。也。夫。君。子。救。剝。則。以。厚。下。安。宅。爲。心。小。人。致。剝。則。以。剝。上。切。膚。爲。事。究。之。厚。下。者。終。得。輿。以。載。剝。上。者。終。無。廬。可。居。此。雖。理。勢。循。環。亦。福。善。禍。淫。也。天。人。之。際。微。矣。哉。

震下
坤上

復亨。出入无疾。朋來无咎。反復其道。七日來復。利有攸往。
亂極必治。剝極必復。理也。故剝繼以復。復反也。一陽生
五陰之下。蓋自剝而坤而復。陽氣復生。復之道也。震動
於內。坤順於外。復之德也。震雷動於坤土之中。復之象
也。在天爲陽氣復生。在國爲君子復出。在人爲天良復
萌。故復有亨道焉。出入无疾。陽氣之道爲君子慶也。朋
來无咎。陽德之來爲君子幸也。故泰之初曰。拔茅茹以
其彙。征吉。反復者。陰陽來往。理欲消長之機。言雖陽之
來復。然一反一復者。其道也。當恐懼以持之。從容以俟。

之。泰曰。无往不復。天地際也。至七日來復。謂自姤一陰

生。歷遯否觀剝坤。至復而一陽生也。七日之說有三。鄭

氣起中孚六日七分之後為復。至冬至而陽復。蓋易六

十四卦。除坎離震兌各主一方。餘六十卦。卦有六爻。爻

主一日。一年三百六十五日。除三百六十爻。主三百六

十日。餘五日。四分日之一。每日分為八十分。積四百分。

又四分日之一。為二十分。是四百二十分。六十卦分

則每卦七分。共計每卦六日七分。是以六十卦為璧卦。

一年而陽始復也。京君明陸公紀。謂過坤六位。至復為

七日。是以一爻為一日也。侯行果。褚仲莊氏。謂自姤一

陰生。至十一月一陽生。為復。本義取自姤至復之說。愚

亦謂然。此應言七月。變月言日者。猶幽風一之日二之

也。詳見臨卦。

利陽初盛也。

彖曰。復亨。剛反。

慶幸之辭也。蓋剝至坤而陽幾滅矣。剛反者如小人雖衆而君子復反焉。人欲雖滋而天理復覺焉。剛反則亨矣。

動而以順行。是以出入无疾。朋來无咎。反復其道。七日來復。天行也。利有攸往。剛長也。

動則不急。順則不躁。故內順而外動則豫。內動而外順則行。剝順而止。復惟其行之順。是以出入无疾。一己之大順也。朋來无咎。天下之大順也。天之行亦一順而已。知反復其道。七日來復之爲天行。則動而以順行者无非天行也。剛反者喜其初。剛長者期其後。欲其不長。故

姤不可與長也。剛則當長。故復曰剛長。夫曰剛長乃終也。剛長陽德方亨之時。不利有攸往乎。

復其見天地之心乎。

於收特筆提起。蓋萬物至冬。天地生物之心。幾不見矣。至一陽復而始見。王輔嗣謂於靜見之。程傳謂於動見之本義。謂於靜極而動見之。蓋心統性情。幽獨初萌。至隱微時。由未發之性。爲將發之情。非知微者不見也。邵子曰。天根月窟常來往。三十六宮都是春。天地之心。周於四時。特於冬至子之半見之耳。故曰數點梅花天地心。故曰其見天地之心。至大壯四陽見天地之情。

象曰。雷在地中復。先王以至日閉關。商旅不行。后不省方。

雷在地中。初陽動於地下也。澤中有雷。君子於嚮晦養之。雷在地中。先王以至日養之。動而以順行。復靜以順養。是動靜交相養。使天下以靜養。則商旅不行。一人以靜養。則后不省方。虞書十有一月朔巡狩。此云不省方。於至日言耳。蓋動必有靜。而靜爲動基。養於靜。所以善其動。

初九不遠復。无祇悔。元吉。

初九成卦之主。得乾之初者也。聖人全乎天。故天理渾然。流而无息。无待於復。不遠復者。亞聖也。非有過復於无過。第精氣偶未到。振作其氣。神明偶未周。被濯其神。

一念之微。知之明而復之速。繫辭所謂有不善未嘗不知。知之未嘗復行。是也。震无咎者存乎悔。悔過則遷善矣。若无祇悔。則不待有過而始悔。故獲元善之吉。據理之勝。不俟見諸事而後知也。

象曰。不遠之復。以修身也。

修身在乎克己。大學所謂慎獨修身之本也。

六二。休復吉。

柔順中正。近初從容不迫。如人之倚木焉。詩曰。良士休休。大學曰。其心休休。以休爲復。取善以輔仁也。

象曰。休復之吉。以下仁也。

下仁者。柔順白下。就教无己。仁卽初。湯學伊尹。武學尙父。子貢事賢友仁以之。

六三。頻復厲。无咎。

頻復厲。非頻過頻改也。以頻過頻復爲危厲。常存諸心目。與不節若則嗟若其神同。蘧伯玉之寡過。未能以之。故无蹈過之咎。頻與則入於私。故吝。頻復則慎其過。故无咎。

象曰。頻復之厲。義无咎也。

人心危而難安。道心微而難著。常以頻復之厲存心。此義所以无咎也。易言義无咎者四。解初剛柔之際。漸皆初小子之厲。既濟初曳其輪。及此。皆斷以義而无咎。不待見於事也。

六四。中行獨復。

四。坤體應初。所謂動而以順行也。中者。无過不及。精以。察。其中。一以守。其中。順以行。其中。四獨應初。故曰獨復。不言占辭者。非吉凶莫卜。義與初同也。易例雖以二五爲中。然復之四。益之三四。皆言中。知中之義。六爻皆有。常事。知經變事。知權。無非中也。獨不若二五之中。義較顯耳。

象曰。中行獨復。以從道也。

從道而行。則中矣。二比初曰下仁。四應初曰從道。仁者。性之德。存於心者也。道者。性之發。見於身者也。仁蘊諸。

中道顯諸外。

六五敦復无悔。

敦加厚也。於所復者敦厚之而不失。安土敦乎仁也。取象坤土。天心復而地德培之。天地合德也。曰无悔。无過之可悔。初曰无祇悔。猶揣度之。辭。此曰无悔。直斷之也。

象曰敦復无悔中以自考也。

五居中言中者。所敦者中德也。考成也。以中德自成。无虧缺也。或曰考驗也。亦通。

上六迷復凶。有災眚。用行師。終有大敗。以其國君凶。至于十年不克征。

居卦之終。迷而不知復者。人欲肆而天理亡也。占辭曰。凶。又曰災眚。災。天災。眚。人害。自絕於天。結怨於人。用行師者。怨天尤人。知責人而不自責。終至大敗。卽喪已而不自知。以其國君凶。天君喪也。凶莫大於心死。至於十年不克征。十者數之終。終其身盡喪。天良而不復也。

象曰。迷復之凶。反君道也。

心爲天君。君之爲道。澄神明。以帥百體。虛而最靈。至迷復而不自覺。與天君之道。正相反也。彖復言亨。此則復而迷矣。言无咎无疾。此則有災有眚矣。言利有攸往。此則不利行師矣。旣不克征於十年。安望來復於七日。故

曰反君道也。

此卦明心學之源。心不可見於天。心來復見之。復則心亨矣。故出入無時者。心也。天心復則心之出入無疾矣。操存舍亡者。心也。念念天心則心之真朋來而無咎矣。動以順行。靜以存養。動靜交致其功。反復以順其道。七日而天地之心復見於我矣。攸往動而順也。閉關靜以養也。初之不遠。明致幾健。致決克己復禮也。二之休復。仰不愧。俯不怍。作德日休也。三頻復。懼人心之間乎道。心小體奪乎大體也。四獨復。幽獨省察之功。五敦復。敦篤存養之事。中行已發之中。中以自考。未發之中也。省。

凡易之義。一曰。察。於。已。發。之。中。涵。養。乎。未。發。之。中。而。心。之。天。德。全。矣。上
之。迷。復。與。全。體。皆。反。人。欲。熾。而。天。心。絕。法。戒。昭。然。

三三

震下
乾上

无妄。元亨利貞。其匪正有眚。不利有攸往。

復見天心。剛為天德。故復繼以无妄。

史記作尤望。

无妄者誠

也。震剛本於乾天。為一卦之主。无妄之理也。震動本於

乾健。无妄之德也。天下雷行。萬物皆本天之陽氣以生。

无妄之象也。元亨利貞。四德也。誠則仁禮義智。皆由此

出。此大本所以立達道。所以行也。其匪正有眚者。誠意

未致知。誠身未明善。自以為正而不正愈甚。故六言有

六蔽。有眚而不利於所往。與剝同。

剝不利有攸往。係乎時。无妄不利有攸往。

己。此寶嬰灌夫之賈禍也。

彖曰无妄。剛自外來而為主於內。動而健。剛中而應。大亨以正。天之命也。

剛自外來而為主於內者。明內卦震剛。本自外卦乾來。以爲一卦之主。故謂之无妄。言德之本乎天也。訟剛來而得中。外卦亦乾。不言自外來。剛雖得於天。亦由人之剛斷。故僅曰剛來。隨言剛來而下柔。復言剛反。渙言剛來而不窮。震坎之剛。雖稟於乾。而外卦非乾。故皆不言自外來。无妄以得天之實理而為主。猶人以實理爲一身之主。所謂道心爲主。人心皆聽命。孟子所謂志氣之帥也。內動而外健。則剛直之道達而無外行而不息矣。

剛中而應。謂九五也。有剛直之德。而所存所發。無非不偏不倚。無過不及之中。以應天下。裕如也。不言四德。言

大亨以正。天命之本然也。

此言大亨以正。天之命天。之體也。臨言大亨以正。天之道。

天之用也。蓋无妄之德。動而健。臨之德。說而順。天命以主宰言。天道以發用言。

其匪正有眚。不利有攸往。无妄之往。何之矣。天命不祐。行矣哉。

之往也。自以爲无妄。而不問理之正不正。何所往乎。天命之所祐者正也。不正則天命不祐。終可行乎哉。爲剛直而輕舉妄動者。痛下針砭。

象曰。天下雷行。物與无妄。先王以茂對時。育萬物。

天下雷行。陽氣徧於天下。是天各與以无妄之理。使之

性命各正。

六十四卦大象傳惟此多物與二字。若無此二字。反疑无妄之理。不能徧給。惟曰物與以

明萬物一實理也。

先王以无妄之德。茂對天之无妄。以時

育萬物。卽至誠盡己性。盡人性。盡物性。參天地贊化有

也。愚謂聖人在上。則鳥獸草木魚鼈咸若。各遂无妄之

生。聖人在下。則老安友信。少懷。各付以无妄之理。先王

二字不必泥。

初九无妄往吉。

以九居初得正。爲全卦主。所謂剛自外來而爲主於內也。誠以動相見。以天正以行相喻。以理操此以往。父子

則有親。君臣則有義。長幼則有序。夫婦則有別。朋友則有信。故吉也。

象曰。无妄之往。得志也。

至誠而不動者。未之有也。不誠未有能動者也。得志。謂行己志。與匪正有眚者。正相反。

六二。不耕穫。不菑畲。則利有攸往。

六二中正。不於春耕而望秋穫。不於一年之菑而望三年之畲。正誼明道。不計功利。史記无妄作无望。正謂此也。利有攸往。於上二句決之。夫未有不耕而可穫。不菑而可畲者。但耕。卽望穫。菑。卽望畲。畲。人之情也。雖耕必有。

穫苗必有畚者。事理之常。然无妄者。無所爲於前。則不爲穫。而後耕。不爲畚。而後苗也。無所慰於後。則不以穫而慰其耕。不以畚而慰其苗也。所謂先難後獲。先事後得也。

象曰。不耕穫。未富也。

目前之穫。猶不計。况後日之畚乎。未富者。虛中之德。不自滿假之謂。正見其耕無已時。非指不圖利爲未富也。六三。无妄之災。或繫之牛。行人之得。邑人之災。修其在己。禍福不足動於中。故无妄之災。君子不以爲憂。无妄之福。君子不以爲喜也。邑人之災者。或株連而

及或被枉而誣此公治長之縲直不疑之金也六三震動之極故有此象

象曰行人得牛邑人災也

以也字易之字義理已明卽順受其正也與雜卦傳无妄災也同妙然必无妄始可言災否則自取之也

九四可貞无咎

以九居四不正故勉以可貞而固守之則无匪正之咎義莫善於改過不貞轉爲可貞斯善矣

象曰可貞无咎固有之也

固有者言真正之理吾生初所固有彼不正者何憚而

不可貞乎。

九五无妄之疾勿藥有喜。

此爻剛健中正。如人之元氣充實。血氣和平。本無致疾之道。而有疾焉。則以無疾視之。不必藥而自喜也。苟從而藥之。無論誤用其藥。反以取禍。卽欲速愈。中氣不平。亦取疾也。勿者禁止之辭。示人宜靜不宜動。宜安不宜躁。身家天下皆有之。

象曰无妄之藥不可試也。

朱廬師曰。无妄何藥。勿藥卽其藥。不惟無所用其藥。並不可少試其藥也。靜以養則血氣調安。以俟則營衛固。

天下事以不治治之多類此

上九无妄行有眚无攸利。

上九不正居卦之極與彖辭匪正有眚同自以爲无妄可行而行則有眚无攸利矣少安毋躁可也。

象曰无妄之行窮之災也。

乾上九亢窮極而致災此妄窮極而致災彼在志而此在行也災生於外眚生於內災卽眚也无妄者天德也故元亨利貞與乾同卽初爻无妄往吉其情則大通其行則咸宜蓋理直而氣自壯義正而勇自生任天下之重端在於此然剛爲天德猶不犯時故二則絕其期望

之私以歛其急功。近利之志。四則勉其持守之力。以存其本。然固有之良。三則明著无妄之疾。而不辭其災。五則直指无妄之疾。而不試其藥。此皆靜以養其動。柔以化其剛。使歸於中正也。不然。如上之恃无妄而行。不察乎事理之經權。則躁而不正。不明乎人情之順逆。則擾而不安。此匪正之行有眚。天命所以不祐也。書曰。彊弗友。剛克。又曰。高明柔克。於此卦見之。

三三 艮上 乾下

大畜利貞不家食吉利涉大川。

誠能畜德。故无妄繼以大畜。畜止也。聚也。養也。小畜以

陰為主。四六故曰小。大畜以陽為主。九上故曰大。以艮止畜

乾健。天德聚於內。不散於外。畜之大者也。君能養賢。五六

九。養上賢能畜君。六上九。畜之大者也。以艮山畜乾天。東

坡袖裏有東海。佛是。小能包大。反求諸心。萬物皆備。畜

之大者也。大畜利貞者。在天德則為正學。不入異端。在

王道則為正道。不為雜霸。臣以正畜君。君以正畜天下。

不家食吉者。在上則天祿與共。在下則家修廷獻。為兼

善不爲獨善。利涉大川者。艮止。則不冒險僥倖。乾健。則策力有終。可以宏濟艱難也。凡涉川多取坎水。巽木之象。此却無取。知象理相通。

彖曰。大畜。剛健篤實輝光。曰新其德。也用也。

剛健。則始終如一。乾德也。篤實。則表裏如一。艮德也。輝光者。德之發也。天德高明。艮道光明。終始表裏如一。則日新矣。此釋卦名義。

剛上而尚賢。能止健。大正也。

此釋利貞。剛上。謂上九。猶无妄。剛自外來。而剛在上九。爲主於內。謂初九也。而六五之君。能尊尚其賢。能畜賢也。上九之賢。能止畜。

乾健上九之臣。能畜君也。此皆至大至正之道。故曰大正也。

不家食吉。養賢也。

尚賢者。重其禮。養賢者。重其祿。

利涉大川。應乎天也。

有大畜之德。宜出其德以濟天下之艱險。上以畜君。下以畜民。應天道之育萬物也。

象曰。天在山中大畜。君子以多識前言往行。以畜其德。

天在山中者。山畜天之氣。則風雲雷雨從此生。畜天之德。則厚重靜安。由是固。君子法之以古人之德爲其德。

曰前言往行見聞皆實非誇多門靡也曰多識默而存之非隨得隨失也。論語所謂重不重則學不固中李安溪曰剛健篤實輝光日新其德誠則明也多識前言往行以畜其德明則誠也

初九有厲利已

乾三陽皆艮所畜止以九居初剛過也故戒之進則有厲而宜於止抑之使爲受畜之地此爲居下而逞才氣者不針砭爲欲速求成者戒銳進也

象曰有厲利已不犯災也

已則不犯災不已則自取災也

九二輿說輶

九居二剛而不過。故能已而不行。甘受畜者。如車說其輶而不進也。項氏曰。輻車輶也。輶軸轉也。輻以利輪之轉。輶以利軸之轉。輻無說時。若脫則輪破轂裂矣。若輶車不行。則說之。此爲居下位而不恃才氣者言也。小畜說輻

剛過也九三。大畜說輶。剛中也九二。

象曰輿說輶中無尤也

以其有中德。故能受上之節制而已。無愆尤。

九三。良馬逐利。艱貞。曰閑輿衛。利有攸往。

初與二不利於進。至三則畜極而通。三應上。上象天衢。

路之通者。三乾體之成。乾爲良馬。負良馬之才。可以馳逐亨衢。利於進矣。然知艱。不冒險守正。不詭遇。猶必自反而問曰。閉習其事。俾輿以任重。衛以護車。如是則利有所往也。

象曰。利有攸往。上合志也。

三爲上畜。德旣成。志與上合。故利往也。

六四童牛之牯元吉。

上三爻以止爲義。能止下三爻之健者。故先儒多以童牛指初。愚謂大畜以上九爲主爻。則五爻皆上所畜也。自筮者揆之。有畜人之責。則止人於初。禮記禁於未發。

之謂豫也。爲人所畜者，亦止已於初時，過而後學，則勤苦難成也。童牛未角之牛，施之牯者，設其楅衡，不使觸也。元吉者，居理之勝，先時而爲之制，處理而卜，其吉不待見於事也。

象曰六四之吉有喜也

後則滋蔓難圖，始則童牛易牯，在己則不勞，在人則無損，故曰有喜也。

六五豮豕之牙吉

牙本義謂得其機會而可制。程傳豮謂去其勢而絕其本源，皆止惡於未形，故其爲力易。若養成其剛躁之性，

則奔突而難制矣。錢氏以牙爲繫豕之杙。豕能久繫乎。不能久繫。則剛躁復肆矣。傳義爲長。按爾雅。豕子豬。豬猶小豬子也。於豬豕而去其牙。猶童牛而施之特。然牛性順於其始而制之外易。豕性躁於其始而制於內難。牙以剛克。消其惡於無形。梏以柔克。防其惡於有象。古者大刑用甲兵。牙之謂也。小刑用桎梏。梏之謂也。

象曰六五之吉有慶也。

爻惟言吉而不言元吉。於事觀之也。傳則有慶。大於有喜。已不勞而天下無犯法者也。

上九何天之衢亨。

此剛上而尚賢也。負荷天之衢。德盛而格君之心。道大而化民於善。其位高。其責重。其效至於如此。此六五能

畜上九之賢。而上九能畜成君德。以及於天下。故亨。畜小
之極。終於既雨。既處。大畜之極。
終於何天之衢。皆畜極而通。

象曰何天之衢道大行也

道大行者。以之涉川。則无險阻。以之閑輿衛。則利於所
往。王道四達。不悖之象也。言大畜之道。至大行而後盛。
非道大行。未可云大畜。

此卦剛健篤實。畜德之本。多識言行。畜德之事。利貞者。
畜德之道。不家食者。畜德之報。利涉大川。畜德之功。道
大行者。畜德之效。尚賢者。君畜臣之禮。荷天者。臣畜君
之忠。六爻皆著。自畜畜人之義。其要在於止健。而歸於

大正也。初者畜之始。剛過而利於己。則不犯乎災也。二者畜之中。剛中而說其輓。則中而不招乎尤也。三則畜德既成。可以進矣。猶必利艱貞以閑其畜之才。自畜之道未易也。四五上畜人之義。畜童牛者必牧之。井田之謂也。牯之者學校以教。夏楚以威之也。豮豕之牙。則鋤其奸於未萌。絕其惡於無形。刑一人而天下化。至上則畜道大行。無愧乎荷天之衢也。

震下
艮上

頤貞吉。觀頤。自求口實。

物畜而後有禮。小畜繼以履。物畜而後可養。大畜繼以頤。富而教。履之義也。庶而富。頤之義也。上下二剛中含四柔。外實中虛。頤之象也。上艮止下震動。頤之情也。噬嗑曰。頤中有物。合看斯見。頤養也。養必以正而吉。凡養德。養身。養萬民。天地養物皆然。傳義皆以觀頤為養德。自求口實為養身。非也。陸銓曰。觀頤。即考其善不善。自求口實。即於已取之。愚按。考其善不善。如養大體。為大人。養小體。為小人。集義以養。氣寡欲以養。心養之善者。

也。饑渴害其心。臭味汨其性。養之不善者也。實則自求而已。果其窮而不食。嗟來達而不至。素餐則養口。體未嘗不養。道義特患欲動情勝而失其養耳。

彖曰。頤貞吉。養正則吉也。

饑飽不節。則病生。雨暘不時。則害至。怠惰者。自棄助長者。欲速豔功。利流於雜。霸好詭異。入於異端。皆養之不正者也。養正則吉。與蒙養正同。

觀頤。觀其所養也。自求口實。觀其自養也。

觀其所養。如君子養於善。小人養於惡。君子養於厚。小人養於薄。如觀過之觀。觀其自養何如。則知其所養之正不。

正矣。彖辭自求。彖傳自養。於己取之。非人所能與也。

天地養萬物。聖人養賢以及萬民。頤之時大矣哉。

風雨露雷得其正。日月寒暑順其時。此天地之養萬物

也。在此卦雷在山下。陽推心置腹達其養之誠。高爵厚

祿善其養之道。養賢而恩加百姓。澤及四海。此聖人養

賢以及萬民也。在本卦六五養上九獨贊時之大。不及

義者。養之道當及時。則萬物易生。各洪範庶徵五者來備。

天下易治。取人於少壯。用人於衰老。則不時矣。故禮曰時爲大。

象曰山下有雷頤。君子以慎言語節飲食。

雷聲善發。尤善收。君子法之以慎其出。山氣善生。尤善

斂。君。子。法。之。以。慎。其。入。靜。謐。而。不。躁。淡。薄。而。不。貪。諺。曰。禍。從。口。出。病。從。口。入。頤。養。之。道。所。爲。謹。也。

初九舍爾靈龜觀我朵頤凶

以九居初得正宜以正養以居動體之初故舍己之正。歆羨人之不正。先儒有以朵頤斥四靈龜食氣而通造化者朵頤食肉而極鄙陋者舍其靈明潔清之德以求昏昧重濁之富將求利而反害求榮而反辱凶之甚者也。彖傳不言卦德。不取其動也。

象曰觀我朵頤亦不足貴也

詩曰既醉以酒既飽以德言飽乎仁義也。所以不願人

之膏粱之味也。故觀朶頤不足貴。錫鞶帶不足敬。士之恥惡衣惡食未足議道也。

六二顛頤拂經于邱頤征凶。

自上求養於下爲顛。自下求養於上爲拂。二與三顛頤。拂頤皆凶。居動體也。四顛頤則吉。居止體也。二拂經凶。五拂經吉亦然。況二三求養於下者。惟自養計私也。四與五求養於上下者。爲養人計公也。動止之體公私之微而吉凶判矣。此爻六居二得正。惟在震體動求養於初。則顛其頤之正道。求養於上。則拂其頤之常經。邱頤者艮山之象。比朶頤更高大。下交瀆。上交諂。皆凶。

象曰。六二征凶。行失類也。

求養於上下。其行事皆失類也。

六三。拂頤貞凶。十年勿用。无攸利。

頤以自養得正而吉。拂頤雖正亦凶。三不中正。且與上正應。有求必得。內則失身。外則媚上。凶何如也。十年勿用。謂士一失足。成千古恨。悔无及也。无攸利。謂士一失行。爲終身玷。徒取辱也。與頤養之道大悖。正在此。

象曰。十年勿用。道大悖也。

苟非大悖其道。或時隨數轉。猶可待用。如十年乃字者。其如道大悖何。

六四。顛頤吉。虎視眈眈。其欲逐逐。无咎。

四至上。皆艮止之德也。頤以止爲吉。四居大臣之位。具柔正之才。求下之賢。以養其德。雖若顛頤。然心之公。故吉也。眈眈者。虎注視之貌。其心專也。逐逐者。虎有求之貌。欲必得也。專注而求。必得。務求下。以養成己德。故无失養之咎。龜善養於內。虎善養於外。龜寡食。虎寡色。十一月於頤養之道取焉。虎始交。

象曰。顛頤之吉。上施光也。

上施光者。下求賢以養德。上施澤以養民。公而无私。光照天下也。

六五拂經居貞吉。不可涉大川。

卦以自養爲義。故五雖能養上九之賢。然不能自養天下。而求賢以養。亦拂頤養之常經也。惟居正則吉。不以爵祿私人大居正也。得賢則宏濟艱難。濟巨川作舟楫。何不利之有。戒自用也。六五陰柔之才。資於人有餘用。諸己不足。故有此戒。

象曰。居貞之吉。順以從上也。

上能養賢。天下皆順而從。

上九由頤厲吉。利涉大川。

九居上六五養之。以及萬民。天下由之。而頤猶豫。四天

下由之而豫也。然以臣養天下，迹近於專，惕之以危厲。斯吉，卽以濟艱鉅如涉大川，然無不可也。蓋任天下之重，警惕出之而嫌怨不避焉，斯得矣。卦惟二陽初陽在下，不足以當養天下之義，故於此爻發之。

象曰：由頤厲吉，大有慶也。

慶在天下，大有慶者，卽大有尙賢之慶也。

頤養道也。養必以正，正者辨於公私之間，動靜之微，觀頤觀此也。自求求此也。自養養此也。天地養萬物，陰陽不愆，雨暘時若，得其正也。聖人養賢及萬民，高爵厚祿，至公无私，得其正也。故養德養身之道，胥視此焉。節飲

食。以。養。身。慎。言。語。以。養。德。何。一。非。養。正。哉。初。因。朵。頤。而。喪。其。靈。明。則。以。饑。渴。之。害。爲。心。害。也。二。因。邱。頤。而。拂。其。正。理。則。以。富。貴。之。志。而。喪。所。守。也。至。三。拂。頤。止。於。一。旦。勿。用。且。以。十。年。一。事。偶。乖。百。行。莫。贖。故。養。身。首。著。靈。龜。之。戒。欲。其。寡。欲。無。慕。於。人。也。養。德。則。宜。虎。視。之。專。欲。其。舍。己。而。求。於。人。也。故。四。亦。顛。頤。視。初。與。二。吉。凶。異。矣。五。亦。拂。經。視。二。而。吉。凶。又。異。矣。五。不。宜。自。用。也。當。求。之。上。而。已。不。可。涉。大。川。上。天。下。由。之。而。養。也。當。惠。及。下。而。利。涉。大。川。矣。夫。亦。由。正。而。已。矣。

三三 巽下兌上

大過棟橈利有攸往亨。

不養則不可動。犬畜而能養。則有大過之才德。可勝大過之重任。故頤繼以大過。四陽居中。二陰居上下。陽勝於陰。陽大陰小。大過之象也。內巽外說。剛濟以柔。大過之德也。兌澤滅巽木。而木獨全。大過之才也。棟橈者。太剛則折。不能濟以柔也。利有攸往亨。謂柔以濟剛。斯得中矣。故有過如無過。蓋時難處。事難成。非矯俗違眾而得中。不足以當此。程傳以堯舜揖讓。湯武征誅。爲大過。謂反經合道也。本義謂大過自有大過時節。利有攸往。程傳謂陽過於陰。君子盛。小人衰。本義謂二五得中。本義說是。

彖曰。大過。大者過也。

大者過。謂陽過也。此釋卦名。示人以過。不可以爲未過。棟橈之情已寓。然惟大者過也。則其過也。如日月之食。謂中四陽也。

棟橈本末弱也。

本末弱。謂初與上也。固柔不能濟剛。亦由太剛之故。示人不可以本末泛視。

剛過而中。巽而說行。利有攸往。乃亨。

剛過而中。謂二五也。如以藥攻疾。中病卽止。中已有巽說之義。特就卦德申言之。謂本乎中而內入義理。外說

人心以是而行。始不過乎剛。利有攸往。乃亨。不如是則不亨也。項氏往乃亨。不往則不亨。非。

大過之時大矣哉。

本義謂大過之時。非有大過之材。不能濟。蓋揆諸時度。諸勢審乎已。可勝此大任否乎。孟子所謂事半功倍。惟此時爲然。以此。

象曰。澤滅木。大過。君子以獨立不懼。遯世无悶。

卦以陽勝陰爲大過。大象傳以陰勝陽爲大過。二義相足。蓋陽勝陰謂之大過。人知之。陰勝陽而至澤滅木。而木獨存於下。非有大過人者不能也。故曰大過。君子處

此獨立不懼行之大過乎人也。遯世无悶志之大過乎人也。獨立取巽木之直。遯世取兌澤之深。

初六。藉用白茅。无咎。

六爻皆有大過之義。以六居初。不重以柔濟剛。重柔而

處下。

象傳本末弱就全卦言此就本爻言

其象如藉用白茅焉。藉者措諸

地則安矣。况以白茅為藉。則柔且潔也。柔則不犯時。潔則不染濁。敬慎之至也。自古大有為之才。皆出以小心。諸葛小心謹慎。可寄大事。曾子任重道遠。本於戰兢。

四應

初荷棟隆以此

象曰。藉用白茅。柔在下也。

藉用白茅。特其象耳。以柔在下。釋之。德必相濟。柔以濟大過之剛。高基於下。在下以爲大過之本。見過之不易寡也。

九二。枯楊生稊。老夫得其女妻。无不利。

以剛居柔比初。陰滋於下。雖陽過而枯楊復生稊根焉。生生之象也。夫婦以陰陽二少相配。大過之陽老陽也。得女妻以少陰配之。謂初也。亦能成生育之道。无不利焉。設此二象以明任大事者。斂其智。勇納羣策。羣力以濟事。不矜才。不負氣。事无不舉焉。

象曰。老夫女妻。過以相與也。

過謂過於常道。然能相與以生育。猶剛雖過。能資柔以有成。雖過无害也。

九三棟桡凶

以剛居剛。當大過之時。下卦之上。太剛則折。陽處父。凶於其身。晉惠公。凶於其國。愎諫違卜。固敗。是求卽此象也。與剛過而中巽。而說行相反。

象曰棟桡之凶不可以有輔也

過剛之人。不取人以爲輔。人亦不能輔以救其剛之過。非無良輔也。其如不可以有何。

九四棟隆吉有它吝

三四取象於棟。居卦之中也。棟屋脊也。隆高而勝其任。非若三之棟折榱崩也。故吉。居大臣而能勝其任。其象如此。三凶而四吉者。三以剛居剛。四以剛居柔。三處下卦之上。四處上卦之下。下卦上實下虛。上卦上虛下實。有它吝者。傳義皆云。有它心於初。未廬師云。有它心於三。愚謂不必泥。蓋大臣之道。當一德一心。不可有它見。存有它反。不達矣。積誠於內而福自外來。比之初有孚之初。有它不燕。大過之四。有它吝也。

象曰棟隆之吉不撓乎下也。

事有資人而吉者。九二之過以相與也。有不資人而凶者。九三之不可以有輔也。此則以不撓於下而吉。天下

事惟斷乃成。既知明而行。決不以下議撓之也。故非知經知權者。不足以處大過。

九五。枯楊生華。老婦得其士夫。无咎无譽。

當大過之時。以剛居剛。身處尊位。比近上六過時之陰。陰雖滋生。然驟生而中氣必竭。驟得而真氣必亡。如枯陽生華。外雖可觀。小喜无益於國。如士夫爲老婦所得。情雖可樂。然已非耦。適蠱其心。雖无過剛之咎。亦无令善之足稱也。坤无咎无譽。獨善其身。此漢武輪臺之悔。終无及也。此无咎无譽。有玷於己。

象曰。枯楊生華。何可久也。老婦士夫。亦可醜也。

何可久者。洩生氣於槁木。則不繼。亦可醜者。喪精神於老婦。則起羞。

上六。過涉滅頂。凶。无咎。

程傳以爲履險。陷禍之小人。本義以爲殺身成仁之君子。李安溪則云。和順不爭。遵時養晦。以俟无咎。愚按程說。與无咎善補過意全悖。卽李說亦將二句分看。人雖遭過涉之凶。而已獨以養晦而无咎。又與象傳不合。本義是當大過之時。不得不涉。涉而滅頂。愈不得不涉。卽凶亦无可咎也。夫至滅頂則凶甚矣。何云无咎。以六處上柔得正。非過剛。以賈禍實取義。以舍生如張巡許遠。

之。守。睢。陽。焉。

象曰。過。涉。之。凶。不。可。咎。也。

時窮勢極。大義凜焉。不可咎也。

非剛則無大過人之才。卽无以處大過之世。獨立不懼。遯世无悶者。剛也。然必以柔濟之。爲過剛者戒。所謂剛過而中。巽而說行。乃亨也。初上俱以柔處柔。然初以敬慎出之。藉白茅保身。卽以保國。上以勇敢任之。卽滅頂保國。何妨舍生。三之棟何以橈。剛居剛也。四之棟何以隆。剛居柔也。二五皆得中。然二之枯楊則生稊。資陰柔於下。而根自達。五之枯楊則生華。資陰柔於上。而華易。

凋。二之老。夫。女。妻。猶。遂。生。育。之。功。五。之。老。婦。士。夫。徒。適。
驩。虞。之。意。此。又。二。剛。居。柔。而。五。剛。居。剛。也。剛。以。柔。濟。處。
大。過。之。時。始。利。有。攸。往。乎。

三三 坎下 坎上

習坎有孚維心亨行有尚。

大過則必險。故大過繼以坎。坎陷也。一陽陷二陰之中。

上坎下坎。故曰習坎。

李安溪曰八純卦此獨加習字乾健坤順震動巽入離明艮止兌說

皆可言德坎險不可言德必習而出險乃可言德故曰習坎愚按彖傳習止訓重未有時習之訓蓋人生憂患常有重險當知所警也猶憂患疊來人心日熾道心陷於人心之中。

而不知反也。故貴有孚。孚者誠也。惟誠則能處憂患。

能遏欲能存理。然必心亨。乃能盡其誠。誠而不明。則有

陷於愚忠愚孝而不足以相孚矣。

故大學善意誠在知致中庸明善先於誠身

坎中實外虛實故有孚虛故心亨

誠明而行必有尊尚之者。可以出險。

也。六十四卦。此獨言心。蓋在坎險中。道心易微。人心易危也。

彖曰。習坎。重險也。

釋卦名。上下皆坎。故曰重。在人則艱苦備嘗。操心危。慮患深也。

水流而不盈。行險而不失其信。

釋有孚。坎流水也。流則不盈。

此與孟子盈科而後進相反。實相足。惟盈科而進。故

流。流則不見盈。故放乎四海。非若溝澮皆盈也。

不盈則行。行則經歷險阻而不

失其信。此有源之水。故晝夜不舍。有信之水。非險阻可

止。此有孚之無斷續。無駁雜也。

維心亨。乃以剛中也。行有尙。往有功也。

二五剛中。非剛則不能勵奮發以求心之通。非中則不能祛偏私以去心之蔽。以剛中之才。進而往則有功。若止而不往。心猶困於險中也。

天險不可升也。地險山川邱陵也。王公設險以守其國。險之時用大矣哉。

天无險不可升。卽其險地无險。山川邱陵卽其險。天子有道。守在四夷。本不恃險。然城郭溝池以爲固。思患預防之道。曰時用者。非時時而用。乃有時而用。所謂非常之用。故曰大矣哉。王伯厚曰。下陽舉而虢滅。虎牢城而

鄭懼大岨度而燕危故曰王公設險以守其國

象曰水洊至習坎君子以常德行習教事

兩坎相承水之洊至也君子法之德行修於已有常則無怠無荒教事施於人習之使勿忘勿助君子在上則德廣運而教遠數在下則學不厭而教不倦

初六習坎入于坎陷凶

无剛中之才以陰柔居重險之下不能自振更入於險是樂宴安而甘耽毒機械巧而受禍深賈生所謂抱火厝之積薪之下而寢其上火未及然則謂之安可決其凶也

象曰。習坎入坎。失道凶也。

處險之道。行險而不失其信。失道則行險以僥倖。凶不能以倖免也。

九二。坎有險。求小得。

此與五皆陽陷陰中。是坎之有險者。然德本剛中。求小得而不求大得。居易以俟命。然大以小爲基。不求大而自大。所謂涓涓不息。流爲江河。

象曰。求小得。未出中也。

未出中者。言雖有小得。其心未出坎險之中。所謂慄慄危懼。若將隕於深淵。安樂而以憂患之心處之也。

六三。來之坎坎。險且枕。入于坎窞。勿用。

下坎接上坎。既處於坎。來之亦坎。是謂來之坎坎。憂患疊至也。枕。安息之器。險且枕。謂安息以俟之。若躁動則入於坎窞。勿用者。仍靜以待。勿用其才智也。初之入坎。決其凶。道之失也。自作之孽。不可追。三之入坎。戒勿用。遇之窮也。天作之孽。猶可違。

象曰。來之坎坎。終无功也。

處險者。以出險爲功。今來之坎坎。所遇之窮。終无功也。天實爲之。謂之何哉。

六四。樽酒簋二。用缶。納約自牖。終无咎。

樽酒簋貳。禮之小者。損二簋用享二與貳同。顏子不貳過之貳。用缶。禮之大

者。禮器五獻之尊。門外缶。門內壺。謂事无大小。皆以禮上獻於君。程傳本王

輔嗣之說。一樽之酒。二簋之食。復以瓦缶為器。質之至

也。此訓缶字未的。尚近是。本義本晁氏之說。樽酒簋為

句。貳用缶為句。貳益也。周禮大祭三貳。中祭再貳。小祭

一貳。弟子職。左執虛豆。右執挾匕。周旋以貳之。之貳。句

讀與象傳異。不可從。何楷貳副也。謂樽酒而副以簋。禮

天子大臣出會諸侯。主國樽檮簋輔是也。此以樽酒簋

貳為句。似納約自牖。謂簡而明。因其明以通其所蔽。終

善猶未定。无不濟險之咎。六四居大臣之位。雖无剛中之才。然六

居四得正。故其象如此。三不正故終无功。四得正故終无咎。

象曰。樽酒簋貳。剛柔際也。

剛謂九五。柔謂六四。君臣以禮相交際。故上下交而志

同。

九五坎不盈。祇既平。无咎。

陽陷於陰。而以剛中處之。坎不盈者。持盈守謙之德。猶水流而不盈也。祇至於平。則不溢。九五居崇高之位。荷天下之榮。易盈而不盈。則滿而不溢。所以長守富也。高而不危。所以長守貴也。君子之心。无盈滿之時。而有充實之德。故无招損之咎。漢文帝之恭儉似之。

象曰。坎不盈。中未大也。

倏然以自大。則盈矣。未大則憂盛危微。始終不盈。二曰求小。五曰中未大。不徒處險宜然。

上六繫用徽纆。寘于叢棘。三歲不得凶。

王輔嗣謂執寘於思過之地。自修二歲。乃可以求復。三歲不得則凶。按此卽周禮司圜掌收教罷民。上罪三年而舍。竊以爲誰繫之。誰寘之。實自繫自寘之也。所謂予智自驅。納於罟獲陷阱之中者。三歲之久。尙不得處險之道。宜其凶也。上六居坎之極。陰柔不振。故有此象。

象曰。上六失道。凶三歲也。

初之失道。居安忘危。少而無知。上之失道。安危利菑。死而不悔。故曰凶三歲。

此卦發明生於憂患。死於安樂之理。乃人心通塞之機。

故。憂。患。之。來。常。人。以。爲。困。苦。賢。豪。以。爲。淬。厲。維。心。亨。是。已。心。何。以。亨。本。有。孚。也。孚。何。以。有。心。之。不。自。盈。也。行。之。不。失。信。也。以。之。處。常。則。常。德。行。習。教。事。以。處。險。則。行。有。尚。也。卦。以。陽。陷。陰。中。爲。坎。卽。以。陽。德。出。坎。陽。德。剛。中。也。卽。有。孚。而。心。亨。也。二。五。剛。中。當。安。樂。而。以。憂。患。出。之。二。小。得。而。心。未。出。坎。險。之。外。五。旣。平。而。心。不。大。於。坎。險。之。中。三。之。心。安。以。靜。險。且。枕。以。待。時。四。之。心。敬。以。通。納。自。牖。以。獲。上。初。與。上。則。處。憂。患。而。安。樂。者。失。處。坎。之。道。矣。習。坎。入。坎。心。陷。而。不。自。知。微。纒。叢。棘。身。陷。而。不。自。覺。法。戒。昭。然。矣。

三三離上

離利貞亨畜牝牛吉。

乾坤者易之體。坎離易之用。天地日月此四象也。陷必有所麗。故坎繼以離。離者麗也。一陰在中。附麗於陽。陽外著則明也。張子曰。月水內景。日火外景。在人則爲目。神由是發明。由是出。二體皆離。是謂繼明。人兩目也。是謂重明。明必利貞。乃亨。不利則失宜。不貞則失正。在學則索隱在治則刻察。而反不通矣。畜牝牛吉者。高明柔克也。坤利牝馬柔濟以剛。離畜牝牛明濟以順。言畜養之有素。則神不擾而明不昏。故吉也。

彖曰。離麗也。日月麗乎天。百穀草木麗乎土。重明以麗乎正。乃化成天下。柔麗乎中正。故亨。是以畜牝牛吉也。

此并卦名辭而釋之。離麗也。

釋卦名。

陰麗陽而生明。陽麗

陰而發明。凡物各有所麗也。日月至明也。麗乎天而愈

明。百穀草木。本易生也。麗乎土而益生。本天親上本地

親下也。

釋利字。

聖人緝熙之明。足以照天下也。而麗乎正。

光明正大。普天率土。皆被重熙之化。

釋貞字。

柔麗乎中正。

先儒謂二五。應謂五中而不則體正。

達順。

剛氣不怒。柔

氣不懼。四暢交於中而形於外。故亨。是以畜牝牛吉也。

彖曰。明兩作離。大人以繼明照于四方。

明兩作者。日復日也。繼明者。明而不息。無時而不明也。照四方者。明無所蔽。無地不被其澤也。明而或息。則非兩作矣。明而或蔽。則不足以照四方矣。大人繼明。非有意照四方也。如日之有明。容光必照。蓋不蔽於私。則常明不蔽於近。則明遠。

初九履錯然敬之无咎

九居離初。猶天向曉。始著履然。任萬事紛錯。以敬出之。則无不明之咎。蓋平旦之氣。清明在躬。不爲物蔽。其象如此。

象曰履錯之敬以辟咎也

未求有功。先求免過。輕動妄動。則有咎。敬卽坤之敬。以直內。畜牝牛之義也。

六二黃離元吉。

成卦之主。柔麗乎中正者也。黃者中也。中則柔不過柔。而麗乎剛。黃離者。日之中正也。日中正則明無不徧矣。坤六五黃裳。有中德而能自下。離六二黃離。有中德而能麗正。故皆元吉。

象曰黃離元吉。得中道也。

得中道者。言明得乎中道。不察察爲明。而自適中也。

九三。日昃之離。不鼓缶而歌。則大耋之嗟。凶。

本義重明之間。前明將盡。故有日昃之象。日中則昃。理數然也。九三過剛不中。知爲日之无多。則鼓歌以恣其樂。憂拱木之已近。則歎老以致其哀。哀樂失時。殃咎必至。是其心向昏。七情顛倒如是。君子則不然。不以時之可樂而忘其憂。患不以時之旣耄而忘其樂。天境有順逆。時有盈虛。而心无昏蔽。正其性而定其情也。馬文淵曰。窮當益堅。老當益壯。又何有此。

象曰。日昃之離。何可久也。

日旣昃。則不能留心。旣昏。則不能久。故哀樂失時也。齊景公樂爽鳩之居。下牛山之淚。似之。

九四突如其來如焚如死如棄如

此已昏之象无端火發突起焚燎身死不知身棄不恤
四如字極形容不盡之致九四不中正而剛躁趨利遭
害以忿亡身暴戾而中氣以絕忿躁而國脈以傷先儒
謂七情惟怒難遏非履中蹈和平矜釋躁有不知其然
而然者此一朝之忿亡身及親也

象曰突如其來如无所容也

无所容者已不能容物即已無地自窘明莊烈帝似之
六五出涕沱若戚嗟若吉

此天將向曉天良感發悔從前自失之象六五中而不

正處君位而憂危若任大責重而難勝者出涕沱若心形於目戚嗟若心形於口熒熒在疚心見乎形容夫七情之患患哀樂之无常暴怒之猝發任天下事敗矣今操心慮患悔悟深切此太甲悔過成王閔予卒成明主所以吉也

象曰六五之吉離王公也

位當如此

上九王用出征有嘉折首獲匪其醜无咎

此天大明之象上九明之極爲柔順之主終戒之如周公之詰爾戎兵召公之張皇六師是也王用以出征征

正也。正天下之不正首。元惡也。醜類也。有嘉折首。殲厥渠魁也。獲匪其醜。脅從罔治也。在國則除元惡而安善良在人則攻慝惡而全天理。皆去昏就明而明无不繼。故无長惡之咎。

象曰。王用出征。以正邦也。

師曰。懷邦安之也。離曰。正邦定之也。皆聖人不得已用兵也。離爲火。兵猶火也。弗戢將自焚。不僅離爲甲冑戈兵也。

坎治心。離治情。治情卽以治心也。蓋人之心體本無不明。有不明者。七情以蔽之耳。情貴乎正。所謂利貞亨也。

情貴乎順。所謂畜牝牛也。正則喜怒哀樂中乎節。順則喜怒哀樂合乎和。七情順正。心體常明。此重明麗正。化成天下。大人繼明以照四方。然情之正本乎心之敬。情之順本乎心之和。則治心卽以治情。初履錯之敬得正也。二真離之中至和也。心敬而和。則明體自見。情安有不順正者哉。三之或歌或嗟。哀樂之情失正也。四之突如焚如忿怒之情不順也。本心之明喪矣。五之出涕哀所當哀。哀以天下也。上之出征。怒所當怒。怒以天下也。此則麗乎中正而治心治情之學全。